

欽定舊五代

卷百四
十三之
五十

舊五代史卷一百四十三

宋門下侍郎參知政事監修國史薛居正等撰

志第五

禮志下

後唐長興元年九月太常禮院奏來年四月孟夏禘饗于太廟謹按禮經三年一祫以孟冬五年一禘以孟夏已毀未毀之主並合食于太祖之廟逐廟功臣配饗于本廟之庭本朝寶應元年定禮奉景皇帝高祖太宗爲始封之祖旣廟號太祖百代不遷每遇禘祫位居東向之尊自代祖元皇帝高祖太宗已下列聖子孫各序昭

穆南北相向合食于前聖朝中興重修宗廟今太廟見
饗高祖太宗懿宗昭宗獻祖太祖莊宗七廟太祖景皇
帝在祧廟之數不列廟饗將來禘禮若奉高祖居東向
之尊則禘饗不及于太祖代祖若以祧廟太祖居東向
之位則又違于禮意今所司修奉祧廟神主及諸色法
物已備合預請參詳事須具狀申奏勅下尚書省集百
官詳議戶部尚書韓彥暉等奏議曰伏以本朝尊受命
之祖景皇帝爲始封之君百代不遷長居廟食自貞觀
至于天祐無所改更聖祖神孫左昭右穆自中興國祚
再議宗祊以太祖景皇帝在祧廟之數不列祖宗欲尊

太祖之位將行東向之儀爰命羣臣同議可否伏詳本朝列聖之舊典明皇定禮之新規開元十年特立九廟子孫遵守歷代無虧今旣行定禮之規又以祧太祖之室昔德宗朝將行禘祫之禮顏真卿議請奉獻祖居東向之位景皇帝暫居昭穆之列攷之于貞元則以爲誤行之于今日正得其禮今欲請每遇禘祫之歲暫奉景皇帝居東向之尊自元皇帝以下叙列昭穆從之

周廣順三年冬十月禮儀使奏郊廟祝文禮例云古者文字皆書于冊而有長短之差魏晉郊廟祝文書于冊唐初悉用祝版唯陵廟用玉冊明皇親祭郊廟用玉爲

冊德宗朝博士陸淳議準禮用祝版祭已燔之可其議
貞元六年親祭又用竹冊當司準開元禮並用祝版梁
朝依禮行之至明宗郊天又用竹冊今詳酌禮例允以
祝版爲宜詔從之 其年九月南郊禮儀使奏郊祀所
用珪璧制度準禮祀上帝以蒼璧祀地祇以黃琮祀五
帝以珪璋琥璜其玉各依本方正色祀日月以珪璋祀
神州以兩珪有邸其用幣天以蒼色地以黃色配帝以
白色日月五帝各從本方之色皆長一丈八尺其珪璧
之狀璧圓而琮八方珪上銳而下方半珪日璋琥爲虎
形半璧日璜其珪璧琮璜皆長一尺二寸四珪有邸邸

本也珪著于璧而整肅也日月星辰以珪璧五寸前件
珪璧雖有圖樣而長短之說或殊按唐開元中明皇詔
曰祀神以玉取其精潔比來用珉不可行也如或以玉
難辦寧小其制度以取其真今郊廟所修珪璧量玉大
小不必皆從古制請下所司修制從之 顯德四年夏
四月禮官博士等準詔議祭器祭玉制度以聞時國子
祭酒尹拙引崔靈恩三禮義宗云蒼璧所以祀天其長
十有二寸蓋法天之十二時又引江都集白虎通等諸
書所說云璧皆外圓內方又云黃琮所以祀地其長十
寸以法地之數其琮外方內圓八角而有好國子博士

聶崇義以爲璧內外皆圓其徑九寸又按阮氏鄭氏圖皆云九寸周禮玉人職又有九寸之璧及引爾雅云肉倍好謂之璧好倍肉謂之瑗肉好若一謂之環郭璞注云好孔也肉邊也而不載尺寸之數崇義又引冬官玉人云璧好三寸爾雅云肉倍好謂之璧兩邊肉各三寸通好共九寸則其璧九寸明矣崇義又云黃琮八方以象地每角各刻出一寸六分共長八寸厚一寸按周禮疏及阮氏圖並無好又引冬官玉人云琮八角而無好崇義又云琮璜珪璧俱是祀天地之器而爾雅唯言璧環瑗三者有好其餘黃琮諸器並不言之則黃琮八角

而無好明矣太常卿田敏以下議以爲尹拙所說雖有
所據而崇義援周禮正文其理稍優請從之其諸祭器
制度亦多以崇義所議爲定 顯德二年秋八月兵部
尙書張昭上言今月十二日伏蒙宸慈召對面奉聖旨
每年祀祭多用太牢念其耕稼之勞更備犧牲之用比
諸豢養特可愍傷令臣等討故事可以他牲代否臣仰
稟綸言退尋禮籍其三牲八簋之制五禮六樂之文著
在典彝迭相沿襲累經朝代無所改更臣聞古者燔黍
捭豚尙多質略近則梁武麩牲竹脯不可宗師雖好生
之德則然于奉先之儀太分蓋禮主于信孝本因心黍

稷非馨鬼神饗德不必牲牢之巨細籩豆之方圓苟血祀長保于宗祧而牲俎何須于藟栗但以國之大事儒者久行易以他牢恐未爲便以臣愚見其南北郊宗廟社稷朝日夕月等大祠如皇帝親行事備三牲如有司攝行事則用少牢已下雖非舊典貴減牲牛是時太常卿田敏又奏云臣奉聖旨爲祭用犢事今太僕寺供犢一年四季都用犢二十二頭唐會要武德九年十月詔祭祀之意本以爲民窮民事神有乘正直殺牛不如祔祭明德卽是馨香望古推今民神一揆其祭圜丘方澤宗廟已外並可止用少牢用少牢者用特牲代時和年

豐然後克修常禮又按會要天寶六載正月十三日赦
文祭祀之典犧牲所備將有達于虔誠蓋不資于廣殺
自今後每大祭祀應用騂犢宜令所司量減其數仍永
爲恒式其年起請以舊料每年用犢二百一十二頭今
請減一百七十三頭止用三十九頭餘祠饗並停用犢
至上元二年九月二十一日赦文國之大事郊祀爲先
貴其至誠不美多品黍稷雖設猶或非馨牲牢空多未
爲能饗園丘方澤任依恒式宗廟諸祠臨時獻熟用懷
明德之馨庶合西隣之祭其年起請昊天上帝太廟各
太牢一餘祭並隨事市供若據天寶六載自二百一十

二頭減用三十九頭據武德九年每年用犢十頭園丘方澤一宗廟五據上元二年起請祇昊天上帝太廟又無方澤則九頭矣今國家用牛比開元天寶則不多比武德上元則過其大半案會要太僕寺有牧監掌孳課之事乞今後太僕寺養孳課牛其犢遇祭昊天前三月養之滌宮取其蕩滌清潔餘祭則不養滌宮若臨時買牛恐非典故奉勅祭祀尙誠祝史貴信非誠與信何以事神祔祭重于殺牛黍稷輕于明德犧牲之數具載典經前代以來或有增損宜採酌中之禮且從貴少之文起今後祭園丘方澤社稷並依舊用犢其太廟及諸祠

宜準上元二年九月二十一日制並不用犢如皇帝親
行事則依常式

後唐同光二年三月十日祠部奏本朝舊儀太微宮每
年五薦獻其南郊壇每年四祠祭吏部申奏請差中書
門下攝太尉行事其太廟及諸郊壇並吏部差三品已
上攝太尉行事從之至其年七月中書門下奏據尙書
祠部狀每年太微宮五薦獻南郊壇四祠祭並宰相攝
太尉行事惟太廟時祭獨遣庶僚雖爲舊規慮成闕禮
臣等商量今後太廟祠祭亦望差宰臣行事從之 三
年十一月禮儀使奏伏準禮經喪三年不祭天地社稷

爲越縵行事此古制也爰自漢文益尊神器務徇公絕私之義行以日易月之制事久相沿禮從順變今園陵已畢祥練旣除宗廟不可以乏享神祇不可以廢祀宜遵禮意式展孝思伏請自貞簡太后升祔禮畢應宗廟儀樂及羣祀並準舊施行從之 天成四年九月太常寺奏伏見大祠則差宰臣行事中祠則差諸寺卿監行事小祠則委太祝奉禮今後凡小祠請差五品官行事從之 其年十月中書門下奏太微宮太廟南郊壇宰臣行事宿齋百官皆入白事伏以奉命行事精誠齋宿儻徧見于朝官涉不虔于祠祭今後宰臣行事文武兩

班望令並不得到宿齋處者奉勅宜依 其年十二月
中書門下奏今後宰臣致齋內請不押班不知印不起
居或遇國忌應行事官受誓戒並不赴行香並不奏覆
刑殺公事及大祠致齋內請不開宴從之 長興二年
五月尙書左丞崔儉奏大祠差官行事皇帝雖不預祭
其日亦不視朝伏見車駕其日或出于理不便今後請
每遇大祠中祠車駕不出從之 四年二月太常博士
路航奏比來小祠已上公卿皆著祭服行事近日唯郊
廟太微官具祭服五郊迎氣日月諸祠並祇常服行事
兼本司執事人等皆著隨事衣裝狼籍鞋履便隨公卿

升降于壇墀按祠部令中祠已上應齋郎等升壇行事者並給潔服事畢收納今後中祠已上公卿請具祭服執事升壇人並著具緋衣幘子又臣檢禮閣新儀太微宮使卯時行事近年依諸郊廟例五更初便行事今後請依舊以卯時從之 清泰元年五月中書門下奏據太常禮院申明宗聖德和武欽孝皇帝今月二十日祔廟太尉合差宰臣攝行緣馮道在假李愚十八日私忌在致齋內今劉昫又奏見判三司事煩請免祀事今與禮官參酌諸私忌日遇大朝會入閣宣召尙赴朝參今祔饗事大忌屬私齋日請比大朝會宣召例差李愚行

事從之

晉開運三年六月西京留司監祭使奏以祠祭所定行事官臨日或遇疾病或奉詔赴闕留司吏部郎中一人主判有關便依次第定名庶無關事從之 天成三年

唐天成三年十一月太常寺定議唐少帝諡廟號景宗博士呂朋龜奏謹按禮經臣不誅君稱天以諡之是以本朝故事命太尉率百僚奉諡冊告天于圓丘迴讀于靈座前並在七月之內諡冊入陵若追尊定諡命太尉讀諡冊于太廟藏冊于本廟伏以景宗皇帝頃負沈寃歲月深遠園陵已修不耐于廟則景宗皇帝親在七廟

之外今聖朝申寃追尊定諡重新帝號須撰禮儀又禮
云君不逾年不入宗廟且漢之殤冲質君臣已成晉之
惠懷愍俱負艱難皆不列廟食止祀于園寢臣等切詳
故實欲請立景宗皇帝廟于園所命使奉冊書寶綬上
諡于廟便奉太牢祀之其四時委守奉薦請下尚書省
集三省官詳議施行右散騎常侍蕭希甫等議請依禮
院所奏奉勅宜令本州城內選地起廟乃于曹州立廟
四年五月中書門下奏先據太常寺定少帝諡昭宣
光烈孝皇帝號景宗者伏以景宗生曾爲帝饗乃承祧
既號景宗合入宗廟如不入宗廟難以言宗于理而論

祧一遠廟安少帝神主于太廟卽昭穆序而宗祀正今
或且居別廟卽請不言景宗但云昭宣光烈孝皇帝兼
冊文內有基字是明皇廟諱雖尋常詔勅皆不迴避少
帝是繼世之孫不欲斥烈聖之諱今改基爲宗字從之
五代會要風俗通陳孔璋云尊卑有敘喪祭哀敬各有
攸終欲令言著而可遵事施而不犯禮云卒哭之後宰
執木釋徇于宮曰捨故而諱新故謂毀廟之主也恩遠
屬絕名不可諱今昭宣上去明皇十四世奏改冊文非
典故 八月戊申明宗服袞冕御文明殿追冊昭宣光烈
也

孝皇帝禮畢冊使兵部尙書盧質押冊出應天門登車
鹵簿鼓吹前導入都亭驛翌日登車赴曹州時議者以
追尊則可立之爲宗不入太廟深爲失禮夫言宗者功

業纂于祖禰德澤被于生民發號申令可也且輝王纂
嗣之日國命出于賊臣君父銜冤母后塗炭遭罹放逐
鼎祚覆亡追諡易名當循故實如漢之冲質晉之閔懷
但尊稱而無廟號前代亡國者周赧漢獻魏陳留亦不
稱宗中興之追諡者孺子嬰光武竟無追宗之典設如
自我作古酌于人情則謂之爲景宣光烈深不稱也古
之周景漢景周宣漢宣皆中興再造之主至如國朝太
祖曰景皇帝以受命而有唐室宣宗皇帝以隔代承運
皇綱復振故也今輝王亡國墜業謂之宣景得無謬乎
先是太常既奏下尚書省集議雖有智者依違不言至

是既立爲景宗陵號溫陵乃于曹州置廟以時告享仍以本州刺史以下爲三獻官後宰臣知其非素去廟號晉天福四年十一月太常禮院奏議立唐朝帝廟引武德年故事祀隋三帝今請立近朝莊宗明宗閔帝三廟庶合前規詔曰德莫盛于繼絕禮莫重于奉先莊宗立興復之功明宗垂光大之業逮乎閔帝實繼本枝然則丕緒洪源皆尊唐室繼周者須崇后稷嗣漢者必奉高皇將啓嚴祠當崇茂典宜立唐高祖太宗及莊宗明宗閔帝五廟其月太常禮院又奏唐廟制度請以至德宮正殿隔爲五室三分之南去地四尺以石爲堦中容

二主廟之南一屋三門門戟二十有四東西一屋一門
門無檠戟四仲之祭一羊一豕如其中祠幣帛牲牢之
類光祿主之祠祝之文不進不署神厨之具鴻臚督之
五帝五后凡十主未遷者六未立者四未諡者三高祖
太宗與其后暨莊宗明宗其主在清化里之寢宮祭前
二日以殿中繖扇二十迎置新廟以享祀閔皇帝莊宗
明宗二后及魯國孔夫人神主四座請修制祔廟及三
后請定諡法從之

周廣順元年二月太常禮院上言準勅遷漢廟入昇平
宮其唐晉兩朝皆止五廟遷移今漢七廟未審總移爲

復祇移五廟勅宜準前勅並移于昇平宮其法物神厨
齋院祭服祭器饌料皆依中祠例用少牢光祿等寺給
其讀文太祝及奉禮郎太常寺差每仲饗以漢宗子爲
三獻從之

舊五代史卷一百四十三

舊五代史卷一百四十三攷證

志五禮志下寶應元年 寶應原本訛寶寧攷新唐書
寶應係代宗年號無所謂寶寧者今改正

並著具緋衣幘子 緋衣原本作絳衣今據五代會要
改正

唐天成三年十一月太常寺定議唐少帝諡廟號景宗
四年八月戊申明宗服袞冕御文明殿追冊昭宣光
烈孝皇帝 歐陽史作四年五月乙酉追諡與是志
定諡冊廟月日俱不符

舊五代史卷一百四十三攷證

舊五代史卷一百四十四

宋門下侍郎參知政事監修國史薛居正等撰

志第六

樂志上

古之王者理定制禮功成作樂所以昭事天地統和人神歷代已來舊章斯在洎唐季之亂咸鎬爲墟梁運雖興英莖掃地莊宗起于朔野經始霸圖其所存者不過邊部鄭聲而已先王雅樂殆將泯絕當同光天成之際或有事清廟或祈祀泰壇雖奠虞猶施而宮商孰辨遂使磬裏鼗武入河漢而不歸湯漢舜韶混陵谷而俱失

洎晉高祖奄登大寶思迪前規爰詔有司重興二舞旋屬烽火爲亂明法罔修漢祚幾何無暇制作周顯德五年冬將立歲仗有司以崇牙樹羽宿設于殿庭世宗因親臨樂懸試其聲奏見鐘磬之類有設而不擊者訊于工師皆不能對世宗惻然乃命翰林學士判太常寺事竇儼參詳其制又命樞密使王朴攷正其聲朴乃用古累黍之法以審其度造成律準其狀如琴而巨凡設十三絃以定六律六呂旋相爲宮之義世宗善之申命百官議而行之今亦備紀于後以志五代雅樂沿革之由焉

梁開平初太祖受禪始建宗廟凡四室每室有登歌酌
獻之舞

肅祖宣元皇帝室曰大合之舞

敬祖光憲皇帝室曰象功之舞

憲祖昭武皇帝室曰來儀之舞

烈祖文穆皇帝室曰昭德之舞

登歌樂章各一首

五代會要云太常少卿楊煥撰

二年春梁祖將議郊禋有司撰進樂名舞名

樂曰慶和之樂

舞曰崇德之舞

皇帝行奏慶順

奠玉帛登歌奏慶平

迎俎奏慶肅

酌獻奏慶熙

飲福酒奏慶隆

送文舞迎武舞奏慶融

亞獻奏慶和

終獻奏慶休

樂章各一首

太廟迎神舞名開平

皇帝行盥手登歌飲福酒徹豆送神皆奏樂

樂章各一首

唐莊宗光聖神閔孝皇帝廟室酌獻舞武成之舞

登歌樂章一首

五代會要云尙書兵部侍郎崔居儉撰

明宗聖德和武欽孝皇帝廟室酌獻舞雍熙之舞

登歌樂章一首

五代會要云太常卿盧文紀撰

晉高祖聖文章武明德孝皇帝廟室酌獻舞咸和之舞

登歌樂章一首

五代會要云太子賓客判太常寺事趙光輔撰

漢文祖明元皇帝廟室酌獻舞靈長之舞

德祖恭僖皇帝廟室酌獻舞積善之舞

翼祖昭獻皇帝廟室酌獻舞顯仁之舞

顯祖章聖皇帝廟室酌獻舞章慶之舞

登歌樂章各一首

五代會要云太常卿張昭撰

高祖睿文聖武昭肅孝皇帝廟室酌獻舞觀德之舞

登歌樂章一首

周信祖睿和皇帝廟室酌獻舞肅雍之舞

僖祖明憲皇帝廟室酌獻舞章德之舞

義祖翼順皇帝廟室酌獻舞善慶之舞

慶祖章肅皇帝廟室酌獻舞觀成之舞

登歌樂章各一首

太祖聖神恭肅文武孝皇帝廟室酌獻舞明德之舞

世宗睿武孝文皇帝廟室酌獻舞定功之舞

登歌樂章各一首

五代會要云太祖廟室樂章太常卿田敏撰世宗廟室樂

章翰林學士判太常寺事竇儼撰

樂章詞多不錄

右樂章

晉天福四年十二月禮官奏來歲正旦王公上壽皇帝舉酒請奏元同之樂再舉酒奏文同之樂從之五年始議重興二舞詔曰正冬二節朝會舊儀廢于離亂之時興自和平之代將期備物全繫用心須議擇人同爲定制其正冬朝會禮節樂章二舞行列等事宜差太常卿

崔悅御史中丞竇貞固刑部侍郎呂琦禮部侍郎張允
與太常寺官一一詳定禮從新意道在舊章庶知治世
之和漸見移風之善其年秋稅等具述制度上奏云案
禮云天子以德爲車以樂爲御大樂與天地同和大禮
與天地同節又曰安上治民莫善于禮移風易俗莫善
于樂故樂書議舞云夫樂在耳曰聲在目曰容聲應乎
耳可以聽知容藏于心難以貌覩故聖人假干戚羽旄
以表其容發揚蹈厲以見其意聲容和合大樂備矣又
案義鏡問鼓吹十二案合于何所答云周禮鼓人掌六
鼓四金漢朝乃有黃門鼓吹崔豹古今注云因張騫使

西域得摩訶兜勒一曲李延年增之分爲二十八曲梁
置鼓吹清商令二人唐又有柷鼓金鉦大鼓長鳴歌簫
笳笛合爲鼓吹十二案大享會則設于懸外此乃是設
二舞及鼓吹十二案之由也今議一從令式排列教習
文舞郎六十四人分爲八佾每佾八人左手執籥禮云
葦籥伊耆氏之樂也周禮有籥師教國子爾雅曰籥如
笛三孔而短大者七孔謂之箎歷代已來文舞所用凡
用籥六十有四右手執翟周禮所謂羽舞也書云舞干
羽于兩階翟山雉也以雉羽分析連攢而爲之二人執
纛前引數于舞人之外舞人冠進賢冠服黃紗中單皂

領標白練褱襠白布大口袴革帶烏皮履白皮襪武舞
郎六十四人分爲八佾左手執干干楯今之旁牌所以
翳身也其色赤中畫獸形故謂之朱干周禮所謂兵舞
取武象用楯六十有四右手執戚斧也上飾以玉故謂
之玉戚二人執旌前引旌似旗而小絳色畫升龍二人
執鼗鼓二人執鐸周禮有四金之奏其三曰金鐸以通
鼓形如大鈴仰而振之金錞二每錞二人舉之一人奏
之周禮四金之奏一曰金錞以和鼓銅鑄爲之其色黑
其形圓若權上大下小高三尺六寸有六分圍二尺四
寸上有伏虎之狀旁有耳獸形銜環二人執鏡以次之

周禮四金之奏二曰金鐃以止鼓如鈴無舌搖柄以鳴
之二人掌相在左禮云治亂以相制如小鼓用皮爲表
實之以糠撫之以節樂二人掌雅在右禮云訊疾以雅
以木爲之狀如漆笛而弇口大二尺圍長五尺六寸以
殺皮鞞之旁有二紐髻畫賓醉而出以器築地明行不
失節武舞人服弁平巾幘金支緋絲大袖緋絲布襦襜
甲金飾白練襜褕錦騰蛇起梁帶豹文大口布袴烏皮
靴工人二十數于舞人之外武弁朱構革帶烏皮履白
練襜褕白皮襪殿庭仍加鼓吹十二案義鏡云帝設氈
案以氈爲牀也今請制大牀十二牀容九人振作歌樂

其牀爲熊羆貔豹騰倚之狀以承之象百獸率舞之意
分置于建鼓之外各三案每案羽葆鼓一大鼓一金鐃
一歌二人簫二人箎二人十二案樂工百有八人舞郎
一百三十有二人取年十五已上弱冠已下容止端正
者其歌曲名號樂章詞句中書條奏差官修撰從之

歐陽

史崔悅傳高祖詔太常復文武二舞詳定正冬朝會禮
及樂章自唐末之亂禮樂制度亡失已久悅與御史中
丞竇貞固刑部侍郎呂琦禮部侍郎張允等草定之其
年冬至高祖會朝崇元殿庭設宮懸二舞在北登歌在
上文舞郎八佾六十有四人冠進賢黃紗袍白中單白
練襪襜白布大口袴革帶履左執籥右秉翟執纛引者
二人武舞郎八佾六十有四人服平巾幘緋絲布大袖
繡襜甲金飾白練襪襜錦騰蛇起梁帶豹文大口袴烏
靴左執干右執戚執旌引者二人加鼓吹十二案負以
熊豹以象百獸率舞案設羽葆鼓一大鼓一金鐃一歌

簫箏各二人王公上壽天子舉爵奏元同二舉登歌奏文同舉食文舞昭德武舞成功之曲禮畢高祖大悅賜稅金帛羣臣左右觀者皆贊歎之然禮樂廢久而制作簡繆又繼以龜茲部覓裳法曲參亂雅音其樂工舞郎多教坊伶人百工商賈州縣避役之人又無老師良工教習明年正旦復奏于庭而登歌發聲悲離煩慙如薤露虞殯之音舞者行列進退皆不應節聞者皆悲憤開運二年太常少卿陶穀奏廢二舞

漢高祖受命之年秋九月權太常卿張昭上疏奏改一

代樂名其略曰昔周公相成王制禮作樂殿庭徧奏六代舞所謂雲門大咸大韶大夏大濩大武也周室旣衰王綱不振諸樂多廢惟大韶大武二曲存焉秦漢已來名爲二舞文舞韶也武舞武也漢時改爲文始五行之舞歷代因而不改貞觀作樂之時祖孝孫改隋文舞爲

治康之舞武舞爲凱安之舞貞觀中有秦王破陣樂功
成慶善樂二舞樂府又用爲二舞是舞有四焉前朝行
用年深不可遽廢俟國家偃伯靈臺卽別召工師更其
節奏今改其名具書如左祖孝孫所定二舞名文舞曰
治康之舞請改治安之舞武舞曰凱安之舞請改爲振
德之舞貞觀中二舞名文舞功成慶善樂前朝名九功
舞請改爲觀象之舞秦王破陣樂前朝名爲七德舞請
改爲講功之舞其治安振德二舞請依舊郊廟行用以
文舞降神武舞送神其觀象講功二舞請依舊宴會行
用又請改十二和樂云昔周朝奏六代之樂卽今二舞

之類是也其賓祭常用別有九夏之樂卽肆夏皇夏等是也梁武帝善音樂改九夏爲十二雅前朝祖孝孫改雅爲和示不相沿也臣今改和爲成取韶樂九成之義也十二成樂曲名祭天神奏豫和之樂請改爲禋成祭地祇奏順和請改爲順成祭宗廟奏永和請改爲裕成祭天地宗廟登歌奏肅和請改爲肅成皇帝臨軒奏太和請改爲政成王公出入奏舒和請改爲彌成皇帝食舉及飲宴奏休和請改爲德成皇帝受朝皇后入宮奏正和請改爲展成皇太子軒懸出入奏承和請改爲允成元日冬至皇帝禮會登歌奏昭和請改爲慶成郊廟

俎入奏雍和請改爲騂成皇帝祭享酌獻讀祝文及飲
福受胙奏壽和請改爲壽成祖孝孫元定十二和曲開
元朝又奏三和遂有十五和之名凡制作禮法動依典
故梁置十二雅蓋取十二天之成數契八音十二律之
變輒益三和有乖稽古又緣祠祭所用不可盡去臣取
其一焉祭孔宣父齊太公廟降神奏宣和請爲師雅之
樂三公升殿會訖下階履行奏禘和請廢同用鬲成享
先農耕藉奏豐和請廢同用順成已上四舞十二成雅
樂等曲今具錄合用處所及樂章首數一一條例在下
其歌詞文不錄

舊五代史卷一百四十四

舊五代史卷一百四十四攷證

志六樂志上廟室酌獻舞武成之舞 原本脫成字今

據五代會要增入

以雉羽分析連攢而爲之 連攢原本訛運攢今據五

代會要改正

朱構革帶 構原本訛構今據五代會要改正

舊五代史卷一百四十四攷證

舊五代史卷一百四十五

宋門下侍郎參知政事監修國史薛居正等撰

志第七

樂志下

周廣順元年太祖初卽大位惟新庶政時太常卿邊蔚上疏請改舞名其略云前朝改祖孝孫所定十二和之名文舞曰治安之舞武舞曰振德之舞今請改治安爲政和之舞振德爲善勝之舞前朝改貞觀中二舞名文舞曰觀象之舞武舞曰講功之舞今請改觀象爲崇德之舞講功爲象成之舞又議改十二成今改爲順十二

順樂曲名祭天神奏禋成請改爲昭順之樂祭地祇奏
順成請改爲寧順之樂祭宗廟奏裕成請改爲肅順之
樂祭天地宗廟登歌奏肅成今請改爲感順之樂皇帝
臨軒奏政成請改爲治順之樂王公出入奏弼成請改
爲忠順之樂皇帝食舉奏德成請改爲康順之樂皇帝
受朝皇后入宮奏展成請改爲雍順之樂皇太子軒懸
出入奏允成請改爲溫順之樂元日冬至皇帝禮會登
歌奏慶成請改爲禮順之樂郊廟俎入奏駢成請改爲
禋順之樂皇帝祭享酌獻讀祝及飲福受胙奏壽成請
改爲福順之樂梁武帝改九夏爲十二雅以協陽律陰

呂十二管旋宮之義祖孝孫改爲十二和開元中乃益
三和前朝去二和改一雅今去雅只用十二順之曲祭
孔宣父齊太公廟降神奏師雅請同用禮順之樂三公
升殿下階履行同用弼成今請同用忠順之樂享藉田

同用寧順之樂曲詞文多不載

五代會要邊蔚請添召樂師令在寺習樂勅太

常寺見管兩京雅樂節級樂工共四十人外更添六十人內三十八人宜抽教坊貼部樂官兼充餘二十二人宜令本寺照名充填仍令三司定支春冬衣糧月報聞奏其舊管四十人亦量添請

世宗顯德元年卽位有司上太祖廟室酌獻奏明德之
舞五年六月命中書舍人竇儼參詳太常雅樂十一月
翰林學士竇儼上疏論禮樂刑政之源其一曰請依唐

會要所分門類上自五帝迄于聖朝凡所施爲悉命編次凡關禮樂無有闕漏名之曰大周通禮俾禮院掌之其三日伏請命博通之士上自五帝迄于聖朝凡樂章沿革總次編錄繫于歷代樂錄之後永爲定式名之曰大周正樂俾樂寺掌之依文教習務在齊肅詔曰竇儼所上封章備陳政要舉當今之急務疾近世之因循器識可嘉辭理甚當故能立事無愧莅官所請編集大周通禮大周正樂宜依仍令于內外職官前資前名中選擇文學之士同其編集具名以聞委儼總領其事所須紙筆下有司供給六年春正月樞密使王朴奏詔詳定

雅樂十二律旋相爲宮之法并造律準上之其奏疏略曰夫樂作于人心成聲于物聲氣旣和反感于人心者也所假之物大小有數九者成數也是以黃帝吹九寸之管得黃鍾之聲爲樂之端也半之清聲也倍之緩聲也三分其一以損益之相生之聲也十二變而復黃鍾之總數也乃命之曰十二律旋迭爲均均有七調合八十四調播之于八音著之于歌頌宗周而上率由斯道自秦而下旋宮聲廢洎東漢雖有太子丞鮑鄴興之人亡而政息無嗣續之者漢至隋垂十代凡數百年所存者黃鍾之宮一調而已十二律中惟用七聲其餘五律

謂之啞鍾蓋不用故也唐太宗復古道乃用祖孝孫張文收攷正雅樂而旋宮八十四調復見于時在懸之器方無啞者安史之亂京都爲墟器之與工十不存一所用歌奏漸多紕繆逮乎黃巢之餘工器都盡購募不獲文記亦亡集官詳酌終不知其制度時有太常博士商盈孫案周官考工記之文鑄鍾十二編鐘二百四十八處士蕭承訓校定石磬今之在懸者是也雖有樂器之狀殊無相應之和逮乎朱梁後唐歷晉與漢皆享國不遠未暇及于禮樂以至于十二鑄鐘不問聲律宮商但循環而擊編鐘編磬徒懸而已絲竹匏土僅有七聲作

黃鍾之宮一調亦不和備其餘八十三調于是乎泯絕
樂之缺壞無甚于今陛下天縱文武奄宅中區思復三
代之風臨視樂懸親自攷聽知其亡失深動上心乃命
中書舍人竇儼參詳太常樂事不踰月調品八音粗加
和會以臣嘗學律歷宣示古今樂錄令臣討論臣雖不
敏敢不奉詔遂以周法以秬黍校定尺度長九寸虛徑
三分爲黃鍾之管與見在黃鍾之聲相應以上下相生
之法推之得十二律管以爲衆管互吹用聲不便乃作
律準十三絃宣聲長九尺張絃各如黃鍾之聲以第八
絃六尺設柱爲林鍾第三絃八尺設柱爲太簇第十絃

五尺三寸四分設柱爲南呂第五絃七尺一寸三分設
柱爲姑洗第十二絃四尺七寸五分設柱爲應鍾第七
絃六尺三寸三分設柱爲蕤賓第二絃八尺四寸四分
設柱爲大呂第九絃五尺六寸三分設柱爲夷則第四
絃七尺五寸一分設柱爲夾鍾第十一絃五尺一分設
柱爲無射第六絃六尺六寸八分設柱爲中呂第十三
絃四尺五寸設柱爲黃鍾之清聲十二律中旋用七聲
爲均爲均之主者宮也徵商羽角變宮變徵次焉發其
均主之聲歸乎本音之律七聲迭應而不亂乃成其調
均有七調聲有十二均合八十四調歌奏之曲由之出

焉伏以旋宮之聲久絕一日而補出臣獨見恐未詳悉
望集百官及內外知音者校其得失然後依調制曲八
十四調曲有數百見存者九曲而已皆謂之黃鍾之宮
今詳其音數內三曲卽是黃鍾宮聲其餘六曲錯雜諸
調蓋傳習之誤也唐初雖有旋宮之樂至于用曲多與
禮文相違旣不敢用唐爲則臣又懵學獨力未能備究
古今亦望集多聞知禮文者上本古曲下順常道定其
義理于何月行何禮合用何調何曲聲數長短幾變幾
成議定而制曲方可久長行用所補雅樂旋宮八十四
調并所定尺所吹黃鍾管所作律準謹同上進世宗善

之詔尚書省集百官詳議兵部尚書張昭等議曰昔帝
鴻氏之制樂也將以範圍天地協和人神候八節之風
聲測四時之正氣器之清濁不可以筆授聲之善否不
可以口傳故鳧氏鑄金伶倫截竹爲律呂相生之算宮
商正和之音乃播之于管絃宣之于鐘石然後覆載之
情訢合陰陽之氣和同八風從律而不好五色成文而
不亂空桑孤竹之韻足以禮神雲門大夏之容無虧觀
德然月律有旋宮之法備于太師之職經秦滅學雅道
陵夷漢初制氏所調惟存鼓舞旋宮十二均更用之法
世莫得聞漢元帝時京房善易別音探求古義以周宮

均法每月更用五音乃立準調旋相爲宮成六十調又以日法析爲三百六十傳于樂府而編懸復舊律呂無差遭漢中微雅音淪缺京房準法屢有言者事終不成錢褒空記其名沈重但條其說六十律法寂寥不傳梁武帝素精音律自造四通十二笛以鼓八音又引古五正二變之音旋相爲宮得八十四調與律準所調音同數異侯景之亂其音又絕隋朝初定雅樂羣黨沮議歷載不成而沛公鄭譯因龜茲琵琶七音以應月律五正二變七調克諧旋相爲宮復爲八十四調工人萬寶常又減其絲數稍全古淡隋高祖不重雅樂令儒官集議

博士何妥駁奏其鄭萬所奏八十四調竝廢隋氏郊廟所奏惟黃鍾一均與五郊迎氣雜用蕤賓但七調而已其餘五鍾懸而不作三朝宴樂用縵樂九部迄于革命未能改更唐太宗受命舊工祖孝孫張文收整比鄭譯萬寶常所均七音八十四調方得絲管竝施鐘石俱奏七始之音復振四廟之韻皆調自安史亂離咸秦盪覆崇牙樹羽之器掃地無餘戛擊搏拊之工窮年不嗣郊廟所奏何異南箕波蕩不遷知音始絕臣等竊以音之所起出自人心夔曠不能常泰人亡則音息世亂則樂崩若不深知禮樂之情安能明制作之本陛下心苞萬

化學富三雍觀兵耀武之功已光鴻業尊祖禮神之致
尤軫皇情乃睠奉常痛淪樂職親閱四懸之器思復九
奏之音爰命廷臣重調鍾律樞密使王朴採京房之準
法練梁武之通音攷鄭譯寶常之七均校孝孫文收之
九變積累黍以審其度聽聲詩以測其情依權衡嘉量
之前文得備數和聲之大旨施于鐘虞足洽簫韶臣等
今月十九日于太常寺集命大樂令賈峻奏王朴新法
黃鍾調七均音律和諧不相凌越其餘十一管諸調望
依新法教習以備禮寺視用其五郊天地宗廟社稷三
朝大禮合用十二管諸調竝載唐史開元禮近代常行

廣順中太常卿邊蔚奉勅定前件祠祭朝會舞名樂曲
歌詞寺司合有簿籍伏恐所定與新法曲調聲韻不協
請下太常寺檢詳校試如或乖舛請本寺依新法聲調
別撰樂章舞曲令歌者誦習永爲一代之法以光六樂
之書世宗覽奏善之乃下詔曰禮樂之重國家所先近
朝已來雅音廢墜雖時運之多故亦官守之因循遂使
擊拊之音空留榘旋相之法莫究指歸樞密使王朴
博識古今懸通律呂討尋舊典撰集新聲定六代之正
音成一朝之盛事其王朴所奏旋宮之法宜依張昭等
議狀行仍令有司依調制曲其間或有疑滯更委王朴

裁酌施行自是雅樂之作稍克諧矣

右雅樂制作

舊五代史卷一百四十五

舊五代史卷一百四十五攷證

志七樂志下太子丞鮑鄴 鮑鄴原本訛鮑節今據五

代會要及文獻通攷改正

十二鑄鍾 鑄鍾原本訛鍾鑄攷隋書樂志宮懸各設

十二鑄鍾于其辰位則知鍾鑄之爲鑄鍾也今改正

漢初制氏所調 制氏原本訛知氏今據漢書改正

舊五代史卷一百四十五攷證

舊五代史卷一百四十六

宋門下侍郎參知政事監修國史薛居正等撰

志第八

食貨志

案食貨志序原本闕佚卷中惟鹽法載之較詳其田賦雜稅諸門僅存大畧疑明初

是書已有殘闕也今無可採補姑存其舊

梁祖之開國也屬黃巢大亂之後以夷門一鎮外嚴烽堠內辟汙萊厲以耕桑薄以租賦士雖苦戰民則樂輸二紀之間俄成霸業及末帝與莊宗對壘于河上河南之民雖困于輦運亦未至流亡其義無他蓋賦斂輕而田園可戀故也及莊宗平定梁室任吏人孔謙爲租庸

使峻法以剝下厚斂以奉上民產雖竭軍食尙虧加之
以兵革因之以饑饉不三四年以致顛隕其義無他蓋
賦役重而寰區失望故也

案以上見容齋三筆所引薛
史釋其文義當係食貨志序

今錄于
卷首

唐同光三年二月勅魏府小棗豆稅每畝減放三升城
內店肆園圃比來無稅頃因偽命遂有配徵後來以所
徵物色添助軍裝衣賜將令通濟宜示矜蠲今據緊慢
去處于見輪稅絲上每兩作三等酌量納錢收市軍裝
衣賜其絲仍與除放其年閏十二月吏部尙書李琪上
言請賦稅不以折納爲事一切以本色輸官又不以紐

配爲名止以正稅加納勅曰本朝徵科惟配有兩稅至于折納當不施爲宜依李琪所論應逐稅合納錢物斛斗鹽錢等宜令租庸司指揮竝準元徵本色輸納不得改更若合有移改卽須具事由聞奏 天成元年四月勅應納夏秋稅先有省耗每斗一升今後止納正稅數不量省耗 四年五月戶部奏三京鄴都諸道州府逐年所徵夏秋稅租兼鹽麩折徵諸般錢穀起徵各視其地節候早晚分立期限其月勅百姓今年夏苗委人戶自通供手狀具頃畝多少五家爲保委無隱漏攢連狀本州具狀送省州縣不得迭差人檢括如人戶隱欺許

令陳告其田倍令并徵 長興二年六月勅委諸道觀察使屬縣于每村定有力人戶充村長與村人議有力人戶出剩田苗補貧下不迨肯者卽具狀徵收有詞者卽排段檢括自今年起爲定額有經災沴及逐年逋處不在此限 三年十二月三司奏請諸道上供稅物充兵士衣賜不足其天下所納斛斗及錢除支贍外請依時折納綾羅絹帛從之

晉天福四年正月勅應諸道節度刺史不得擅加賦役及于縣邑別立監徵所納田租委人戶自量自槩

周顯德三年十月宣三司指揮諸道州府今後夏稅以

六月一日起徵秋稅至十月一日起徵永爲定制 五年七月賜諸道均田圖十月命左散騎常侍艾穎等三十四人下諸州檢定民租 六年春諸道使臣回總計檢到戶二百三十萬九千八百一十二

唐同光二年度支奏請榜示府州縣鎮軍民商旅凡有買賣竝須使八十陌錢二月詔曰錢者卽古之泉布蓋取其流行天下布散人間無積滯則交易通多貯藏則士農困故西漢興改幣之制立告緡之條所以權蓄買而防大姦也宜令所司散下州府常須檢察不得令富室分外收貯見錢又工人銷鑄爲銅器兼沿邊州鎮設

法鈐轄勿令商人般載出境三月知唐州晏駢安奏市肆間點檢錢帛內有錫鑱小錢揀得不少皆是江南綱商挾帶而來詔曰帛布之幣雜以鉛錫惟是江湖之外盜鑄尤多市肆之間公行無畏因是綱商挾帶舟楫往來換易好錢藏貯富室實爲蠹弊須有條流宜令京城諸道于坊市行使錢內點檢雜惡鉛錫錢竝宜禁斷沿江州縣每有舟船到岸嚴加覺察不許將雜鉛錫惡錢往來換易好錢如有私載竝行收納 天成元年八月 中書門下奏訪聞近日諸道州府所賣器價貴多是銷鑄見錢以邀厚利乃下詔曰宜令遍行曉告如原舊係

銅器及碎銅卽許鑄造仍令生銅器物每斤價定二百文熟銅器物每斤四百文如違省價買賣之人依盜鑄錢律文科斷 清泰二年十二月詔御史臺曉告中外禁用鉛錢如違犯準條流處分

晉天福二年詔禁一切銅器其銅鏡今後官鑄造于東京置場貨賣許人收買于諸處興販去

周廣順元年三月勅銅法今後官中更不禁斷一任興販所在一色卽不得瀉破爲銅器貨賣如有犯者有人糺告捉獲所犯人不計多少斤兩竝處死其地分所由節級決脊杖十七放隣保人決鬻杖十七放其告事人

給與賞錢一百貫文

江南因唐舊制饒州置永平監歲鑄錢池州永寧監建州永豐監竝歲鑄錢杭州置保興監鑄錢

唐同光二年二月詔曰會計之重鹹鹺居先矧彼兩池實有豐利頃自兵戈擾攘民庶流離既場務以隳殘致程課之虧失重茲葺理須仗規模將立事以成功在從長而就便宜令河中節度使冀王李繼麟兼充制置安

邑解縣兩池榷鹽使仍委便制一一條貫

五代會要同光三年二月

勅魏府每年所徵隨絲鹽錢每兩與減放五文逐年俵賣蠶鹽食鹽大鹽甜次冷鹽每斗與減五十樂鹽與減三十天成元年四月勅諸州府百姓合散蠶鹽今後每年稅二月內一度俵散依夏稅限納錢長興四年五月

<p>一兩已上至一斤買賣人各杖六十一斤已上至二斤</p>	<p>四鄰及諸色人等陳告等第支給賞錢欲指搨此後犯</p>	<p>一槩條流應刮鹹煎鹽不計多少斤兩並處極法兼許</p>	<p>鹽地界州府縣鎮竝有權糶場院久來內外禁法卽未</p>	<p>支賞錢三十斤一賞錢二十斤五斤已上至一百斤</p>	<p>已上至五十斤支賞錢二十斤五斤已上至一百斤</p>	<p>門司關津口鋪捉獲私鹽依下項等第一半賞錢十斤</p>	<p>諸色關連人等不專覺察委本州臨時斷訖報省如是</p>	<p>罪其犯鹽人經過處地分門司廂界巡檢節級所由并</p>	<p>人力等糾告等第支與優給如知情不告與賣鹽人同</p>	<p>家逃走者卽行點納仍許般載腳戶經過店主竝腳下</p>	<p>行錢物驢畜等竝納入官所有元本家業莊田如是全</p>	<p>不計多少買賣人各決脊杖二十處死所有犯鹽人隨</p>	<p>杖八十五斤已上至十斤買賣人各徒二年十斤已上</p>	<p>至三斤買賣人各杖七十三斤已上至五斤買賣人各</p>	<p>違犯者一兩已上至一斤買賣人各杖六十一斤已上</p>	<p>戶贖鹽竝不許將帶一斤一兩入城侵奪權糶課利如</p>	<p>博場院應是鄉村竝通私商與販所有折博竝每年人</p>	<p>槩定奪謹具如後應食顆鹽州府省司各置權糶折</p>	<p>七日諸道鹽鐵轉運使奏諸道州府鹽法條流元末一</p>
------------------------------	------------------------------	------------------------------	------------------------------	-----------------------------	-----------------------------	------------------------------	------------------------------	------------------------------	------------------------------	------------------------------	------------------------------	------------------------------	------------------------------	------------------------------	------------------------------	------------------------------	------------------------------	-----------------------------	------------------------------

買賣人各杖七十二斤已上至三斤買賣人各徒二年五斤已上買賣人各徒一年
三斤已上至五斤買賣人各徒二年五斤已上買賣人各徒一年
各決脊杖二十處死如是收到礮土鹽水卽委本處煎
煉鹽數準條科斷或有已會違犯不至死刑經斷後公
然不懼條流再犯者不計斤兩多少所犯人竝處極法
其有權糶場院員寮節級人力煎鹽池客竈戶般鹽船
綱押綱軍將衙官梢工等具知鹽法如有公然偷盜官
鹽或將貨買其買賣人及窩盤主人知情不告竝依前
項刮礮例五斤已上處死其諸色關連人等竝合支賞
錢卽準洛京諸鎮條流事例指揮 類末青白等鹽元
不許界分參雜其顆鹽先許通商之時指揮不得將帶
入末鹽地界如有違犯一斤一兩竝處極法所有隨行
物色除鹽外一半納官一半與捉事人充賞其餘鹽色
未有畫一條流其洛京并鎮定邢州管內多北京水鹽
入界捉獲竝依洛京條流科斷欲指揮此後但是顆末
青白諸色鹽侵界參雜捉獲竝準洛京條流施行
應諸道今後若捉獲犯私鹽麴人罪犯分明正該
條法便仰斷遣訖奏若稍涉疑誤祇須申奏取裁

晉天福中河南河北諸州除俵散蠶鹽徵錢外每年末

鹽界分場務約糶一十七萬貫有餘言事者稱雖得此錢百姓多犯鹽法請將上件食鹽錢于諸道州府計戶每戶一貫至二百爲五等配之然徒任人逐便興販既不虧官又益百姓朝廷行之諸處場務亦且仍舊俄而鹽貨頓賤去出鹽遠處州縣每斤不過二十文近處不過一十文掌事者又難驟改其法奏請重制鹽場稅蓋欲絕其興販歸利于小官也七年十二月宣旨下三司應有往來鹽貨悉稅之過稅每斤七文住稅每斤十文其諸道州府應有屬州鹽務竝令省司差人勾當旣而糶鹽雖多而人戶鹽錢又不放免至今民甚苦之

五代會要

晉天福元年十一月敕節文洛京管內逐年所配人戶食鹽起來每年每斗減放十文

周廣順元年九月詔改鹽法凡犯五斤已上者處死煎
嫌鹽犯一斤已上者處死先是漢法不記斤兩多少並
處極刑至是始革之三年三月詔曰青白池務素有定
規祇自近年頗乖循守比來青鹽一石抽稅錢八百文
足陌鹽一斗白鹽一石抽稅錢五百文鹽五升其後青
鹽一石抽錢一千鹽一斗訪聞更改已來不便商販蕃
人漢戶求利艱難宜與優饒庶令存濟今後每青鹽一
石依舊抽稅錢八百文以八十五爲陌鹽一斗白鹽一
石抽稅錢五百鹽五升此外更不得別有邀求訪聞邊

上鎮鋪于蕃漢戶市易糶糶衷私有抽稅今後一切止

絕五代會要周廣順二年九月十八日勅條流禁私鹽

杖八十配役五斤已下一斤已上徒三年配役五斤已

上竝決重杖一頓處死一應所犯鹽麴關津門司廂

巡門保如有透漏竝行勘斷一斤已上竝決重杖一頓處死

犯私鹽若捉到鹹水祇煎成鹽秤盤定罪逐處凡有

鹵之地所在官吏節級所由常須巡檢村坊鄰保遞相

覺察若有所犯處彰露竝行勘斷一所犯私鹽捉事

告事人各支賞錢以係省錢充至死刑者賞錢五十千

不及死刑者三十千一顆末鹽各有界分若將本地

分鹽侵越疆界同諸色犯鹽例科斷一鄉村人戶所

請贛鹽祇得將歸裏鹽供食不得別將博易貨賣投託

與人如違竝同諸色犯鹽例科斷若是所請贛鹽道路

津濟須經過州府縣鎮委三司明行指揮一凡買鹽

同諸色犯鹽麴例一諸官場官務如有羨餘出剩鹽

麴竝許盡底報官如衷私貨賣者買賣人竝同諸色犯

鹽麴科斷若鹽鋪酒店戶及諸色人與場院衷私貨賣者竝同罪科斷一所犯私鹽麴有同情共犯者若是骨肉卑幼奴婢同犯祇罪家長主首不知情祇罪造意者餘減等科斷若是他人同犯竝同罪斷若與他人同犯據逐人脚下所犯斤兩依輕重斷遣一州城縣鎮郭下人戶係屋稅合請鹽者若是州府竝于城內請給若是外縣鎮郭下人戶亦許將鹽歸家供食仰本縣預取逐戶合請鹽數目攢定文帳部領人戶請拔勒本處官吏及所在場務同點檢入城若縣鎮郭下人戶城外別有莊田亦仰本縣預先分擘開坐勿令一處分給供使三年十二月勅諸州府并外縣鎮城內其居人屋稅鹽今後不俵其鹽錢亦不徵納所有鄉村人戶合請警鹽所在州城縣鎮嚴切檢校不得放入城門顯德元年十二月上謂侍臣

曰朕覽食末鹽州郡犯私鹽多于穎鹽界分蓋卑濕之地易爲刮鹹煎造豈惟違我權法兼又污我好鹽况末鹽煎煉般蓮費用倍于穎鹽今宜分割十餘州令食穎

鹽不惟輦運省力兼且少人犯禁自是曹宋已西十餘

州皆盡食顆鹽

五代會要顯德二年八月二十四日宣頭節文改立鹽法如後一瞻國軍堂

場務邢洛州鹽務應有見梁貯鹽貨處并煎鹽場竈及應是嫌地並須四面修置牆塹如是地里遙遠難為修置牆塹即作壕籬為規隔內偷盜夾帶官鹽兼于壕籬外煎造鹽貨便仰收捉及許諸色人陳告所犯不計多少斤兩並決重杖一頓處死其經歷地分及門司節級人員並當量罪勘斷所有捉事告事人賞錢二十千一斤已上至十斤賞錢三十千一十斤已上賞錢五十千一應有不係官中煎鹽處嫌地並須標識委本州府差公幹職員與巡檢節級村保地主鄰人同共巡檢若諸色人偷刮鹵地便仰收捉及許人陳告若勘逐不虛捉事人每獲一人賞絹一十匹獲二人賞絹二十匹獲三人已上不計人數賞絹五十匹刮嫌煎鹽人并知情人所犯不計多少斤兩並決重杖一頓處死其刮嫌處地分並刮嫌人住處巡檢節級所由村保等各徒二年半合衆一月依舊勾當刮嫌處地主不切檢校徒二年合衆一月一顆鹽地分界內有人刮嫌煎煉鹽貨所

犯竝依前法 一今緣改價賣鹽慮有別界分鹽貨遞
相侵犯及諸鹽入城諸色犯鹽人令下三司依下項條
流科斷其犯鹽人隨行物色給與本家其鹽沒納入官
所經歷地分節級人員竝行勘斷一兩至一斤央醫杖
十五合衆半月捉事告事人賞錢五千一斤已上至一
十斤徒一年半年令衆一月捉事人賞錢七千十斤已上
不計多少徒二年配發運務役一年捉事告事人賞錢
十千 一諸州府人戶所請蠶鹽不得于鄉村衷私貨
賣及信團頭脚戶縣司請鹽節級所由等尅折糶賣如
有犯者依諸色犯鹽例科斷 一如有人于河東界將
鹽過來及自家界內有人往彼與販鹽貨所犯者竝處
斬其犯鹽人隨行驢畜資財竝與捉事人充賞慶州青
白權稅院元有透稅條流所有隨行驢畜物色一半支
與捉事人充賞其餘一半并鹽竝納入官欲竝且依舊
一斗已上至三斗杖七十三斗已上至五斗徒一年五
斗已上處死 安邑解縣兩池權鹽院河中節度兼判
之時申到畫一事件條流等準勅牒兩池所出鹽舊日
苦無文榜如擅將一斤一兩準元勅條竝處極法其犯
鹽人應有錢物竝與捉事充賞者切以兩池禁棘峻阻
不通人行四面各置場門弓射分學鹽池分居住竝在

棘圍裏面更不別有差遣祇令巡護鹽池如此後有人偷盜官鹽一斤一兩出池其犯鹽人並準元勅條流處分應有隨行錢物並納入官其捉事人依下項定支優給若是巡檢弓射池場門子自不專切巡察致有透漏到棘圍外被別人捉獲及有糾告兼同行反告官中更不坐罪陳告人亦依捉事人支賞應有知情偷盜官鹽之人亦依犯鹽人一例處斷其不知情關連人臨時酌情定罪所有透漏地分弓射及池場門子如是透漏出鹽二十斤已下徒一年半一十斤已上至二十斤支賞錢一十千已下徒一年半一十斤已上至五十斤支賞錢二十千已上至一百斤支賞錢三十千已上至二百斤已上支賞錢五十千前項所定奪到鹽法條流其應屬州府捉獲抵犯之人便委本州府檢條流科斷訖申奏別報省司其屬省院捉到犯鹽之人干死刑者卽勘情罪申上候省司指揮不至極刑者便委務

三年十月勅漳河已北

州府界元是官場糶鹽今後除城郭草市內仍舊禁法其鄉村並許鹽貨通商逐處有賺鹵之地一任人戶煎

煉興販則不得踰越漳河入不通商地界

文獻通攷五年既取江北

諸州唐主奉表入貢因白帝以江南無鹵田願得海陵鹽監南屬以贍軍帝曰海陵在江北難以交居當別有處分乃詔歲支鹽二十萬斛以給江南士卒稍稍歸之

周顯德二年正月世宗謂侍臣曰轉輸之物向來皆給斗耗自晉漢已來不與支破食廩所納新物尙除省耗况水路所般豈無損折起今後每石宜與耗一斗

唐天成三年七月詔曰應三京鄴都及諸道州府鄉村人戶自今年七月後于是秋田苗上每畝納麴錢五文足陌一任百姓自造私麴醞酒供家其錢隨夏秋徵納其京都及諸道州府縣鎮坊界內應逐年買官麴酒戶

便許自造麴醞酒貨賣仍取天成二年正月至年終一
年逐戶計算都買麴錢數內十分只納二分以充權酒
錢便從今年七月後管數徵納權酒戶外其餘諸色人
亦許私造酒麴供家卽不得衷私賣酒如有故違便卽
糾察勒依中等酒戶納權其坊村一任沽賣不在納權
之限時孔循以麴法殺一家于洛陽或獻此以爲愛其
人便于國故行之 長興元年二月赦書節文諸道州
府人戶每秋苗一畝上元徵麴錢五文今後特放二文
只徵三文二年詔曰酒醴所重麴薛是須緣賣價太高
禁條頗峻士庶因斯而抵犯刑各由是以滋彰爰行改

革之文庶息煩苛之政各隨苗量定稅錢訪聞數年已來雖犯法者稀而傷民則甚蓋以亂離日久貧下戶多纔遇昇平便勤稼穡各務耕田鑿井孰能枕麴藉精旣隨例以均攤遂抱虛而輸納漸成凋弊深可憫傷况欲置豐財必除時病有利之事方切施行無名之求尤宜廢罷但得日新之理何辭夕改之嫌應在京諸道苗畝上所徵麴錢等便從今年夏竝放其麴官中自造委逐州減舊價一半于在城撲斷貨買除在城居人不得私造外鄉村人戶或要供家一任私造勅下之日人甚悅之

周顯德四年七月詔曰諸道州府麴務今後一依往例
官中禁法賣麴逐處先置都務候勅到日竝仰停罷據
見在麴數準備貨買兼據年計合使麴數依時蹋造候
人戶將到價錢據數計麴不得賒賣抑配與人

舊五代史卷一百四十六

舊五代史卷一百四十六攷證

志八食貨志至于折納 折納原本訛折約今據文改

正

委人戶自量自槩 槩原本訛槩今據五代會要改正

置場貨賣 置場原本訛置常今據五代會要改正

舊五代史卷一百四十六攷證

舊五代史卷一百四十七

宋門下侍郎參知政事監修國史薛居正等撰

志第九

刑法志

案刑法志序
原本闕佚

梁太祖開平三年十一月詔太常卿李燕御史蕭頃中書舍人張袞戶部侍郎崔沂大理卿王鄴刑部郎中崔誥共刪定律令格式四年十二月宰臣薛貽矩奏太常卿李燕等重刊定律令三十卷式二十卷格一十卷目錄一十三卷律疏三十卷凡五部一十帙共一百三卷勅中書舍人李仁儉詣閣門奉進伏請目爲大梁新定

格式律令仍頒下施行從之

原注是時大理卿李保殷進所撰刑律總要十二卷

唐莊宗同光元年十二月御史臺奏當司刑部大理寺本朝法書自朱溫僭逆刪改事條或重貨財輕入人命或自徇枉過濫加刑罰今見在三司收貯刑書竝是偽廷刪改者兼僞廷先下諸道追取本朝法書焚燬或經兵火所遺皆無舊本節目只定州勅庫有本朝法書具在請勅定州節度使速寫副本進納庶刑法令式竝合本朝舊制從之未幾定州王都進納唐朝格式律令凡二百八十六卷二年二月刑部尚書盧價奏纂集同光刑律統類凡一十三卷上之

周太祖廣順元年六月勅侍御史盧億刑部員外郎曹
匪躬大理正段濤同議定重寫法書一百四十八卷先
是漢隱帝末因兵亂法書亡失至是大理奏重寫律令
格式統類編勅凡改點畫及義理之誤字二百一十有
四以晉漢及國初事關刑法勅條凡二十六件分爲二
卷附于編勅目爲大周續編勅命省寺行用焉宋史盧億周初
爲侍御史漢末兵亂法書亡失至是大理奏重寫律令
格式統類編勅乃詔億與刑部員外曹匪躬大理正段
濤同加議定舊本以京兆府改同五府開封大名府改
同河南府長安萬年改爲次赤縣開封浚儀大名元城
改爲赤縣又定東京諸門薰風等爲京城門明德等爲
皇城門啟運等爲宮城門昇龍等爲宮門崇元等爲殿
門廟諱書不成字凡改點畫及義理之誤字二百一十
有四又以晉漢及周初事關刑法敕條者分爲二卷附

編勅目爲大周
續編勅詔行之

二年二月中書門下奏準元年正月

五日赦書凡今後應犯竊盜賊及和姦者竝依晉天福
元年已前條制施行諸處犯罪人等除反逆罪外其餘
罪竝不籍沒家產誅及骨肉一依格令處分者請再下
明勅頒示天下乃下詔曰赦書節文明有釐革切慮邊
城遠郡未得審詳宜更申明免至差誤其盜賊若是強
盜竝準自來格條斷遣其犯竊盜者計贓絹滿三匹已
上者竝集衆決殺其絹以本處上估價爲定不滿三匹
者等第決斷應有夫婦人被強姦者男子坐殺婦人不
坐其犯和姦者竝準律科斷罪不至死其餘姦私罪犯

準格律處分應諸色罪人除謀反大逆外其餘竝不得
誅殺骨肉籍沒家產先是晉天福中勅凡和姦者男子
婦人竝處極法至是始改從律文焉 世宗顯德四年

五月中書門下奏準宣法書行用多時文意古質條目
繁細使人難會兼前後勅格互換重疊亦難詳定宜令
中書門下竝重刪定務從節要所貴天下易爲詳究者
伏以刑法者御人之銜勒救弊之斧斤故鞭扑不可一
日弛之于家刑法不可一日廢之于國雖堯舜淳古之
代亦不能舍此而致理矣今奉制旨刪定律令有以見
聖君欽恤明罰勅法之意也竊以律令之書政理之本

經聖賢之損益爲古今之章程歷代以來謂之彙典今

朝廷之所行用者一十二卷律疏三十卷式二十卷令

三十卷開成格一十卷大中統類一十二卷後唐以來

至漢末編勅三十二卷及皇朝制勅等折獄定刑無出

于此律令則文辭古質看覽者難以詳明格勅則條目

繁多檢閱者或有疑誤加之邊遠之地貪猾之徒緣此

爲姦寢以成弊方屬盛明之運宜申畫一之規所冀民

不陷刑吏知所守臣等商量望準聖旨施行仍差侍御

史知雜事張湜太子右庶子劇可久殿中侍御史帥汀

職方郎中鄧守中倉部郎中王瑩司封員外郎賈玘太

常博士趙礪國子博士李光贊大理正蘇曉太子中允
王伸等一十人編集新格勒成部帙律令之有難解者
就文訓釋格勅之有繁雜者隨事刪除止要諸理省文
兼且直書易會其中有輕重未當便于古而不便于今
矛盾相違可于此而不可于彼盡宜改正無或牽拘候
編集畢日委御史臺尚書省四品以上及兩省五品以
上官參詳可否送中書門下議定奏取進止詔從之自
是湜等于都省集議刪定仍令大官供膳五年七月中
書門下奏侍御史知雜事張湜等九人奉詔編集刑書
悉有條貫兵部尚書張昭等一十人參詳旨要更加損

益臣質臣溥據文評議備見精審其所編集者用律爲
正辭旨之有難解者釋以疏意義理之有易了者畧其
疏文式令之有附近者次之格勅之有廢置者又次之
事有不便與該說未盡者別立新條于本條之下其有
文理深古慮人疑惑者別以朱字訓釋至于朝廷之禁
令州縣之常科各以類分悉令編附所冀發函展卷綱
目無遺究本討原刑政咸在其所編集勒成一部別有
目錄凡二十一卷刑名之要盡統于茲目之爲大周刑
統欲請頒行天下與律疏令式通行其刑法統類開成
格編勅等採掇旣盡不在法司行使之限自來有宣命

指揮公事及三司臨時條法州縣見今施行不在編集之數應該京百司公事逐司各有見行條件望令本司刪集送中書門下詳議聞奏勅宜依仍頒行天下乃賜侍御史知雜事張湜等九人各銀器二十兩雜綵三十匹賞刪定刑統之勞也

案以下疑原本有闕佚

唐同光二年六月己巳勅應御史臺河南府行臺馬步司左右軍巡院見禁囚徒據罪輕重限十日內竝須決遣申奏仍委四京諸道州府見禁囚徒速宜疏決不得淹停兼恐內外形勢官員私事寄禁切要止絕俾無冤滯 三年五月己未勅三京諸道州府所禁罪人如無

大過速令疏決不得淹滯六月甲寅勅刑以秋冬雖關
惻隱罪多連累翻慮滯淹若或十人之中止爲一夫抵
死豈可以輕附重禁錮逾時言念哀矜又難全廢其諸
司囚徒罪無輕重竝宜各委本司據罪詳斷申奏輕者
卽時疏理重者候過立春至秋分然後行法如是事繫
軍機須行嚴令或謀惡逆或畜奸邪或行劫殺人難于
畱滯竝不在此限 天成元年十一月庚申勅應天下
州使繫囚除大辟罪以上委所在長吏速推勘決斷不
得傍追證對經過食宿之地除當死刑外竝仰釋放兼
不許懲治 二年春左拾遺李同上言天下繫囚請委

長吏逐旬親自引問質其罪狀真虛然後論之以法庶無枉濫從之六月大理少卿王鬱上言凡決極刑合三覆奏近年以來全不守此伏乞今後前一日令各一覆奏奉勅宜依八月西京奏奉近勅在京犯極刑者令決前一日各一覆奏緣當府地遠此後凡有極刑不審準條疏覆奏奉勅旨昨六月二十日所降勅文祇爲應在洛京有犯極刑者覆奏其諸道已降旨命準舊例施行今詳西京所奏尙未明近勅兼慮諸道有此疑惑故令曉諭十月辛丑德音爲政之要切在無私聽訟之方惟期不濫天下諸州官員如有善推疑獄及曾雪寃濫兼

有異政者當具姓名聞奏別加甄獎 長興元年二月
制曰欲通和氣必在伸冤將設公方實資獎善州縣官
僚能雪冤獄活人生命者許非時選仍加階超資注官
與轉服色已著緋者與轉兼官 二年二月辛亥勅朕
猥以眇躬薦承鴻業念彼疲瘵勞于寐興或慮官不得
人因成紊亂或慮刑非其罪遂至怨嗟王化所興獄訟
爲本苟無訓勵必有滯淹近日諸道百姓或諸多違犯
或小可鬪爭官吏曲縱胥徒巧求瑕釁初則滋張節目
作法拘囚終則誅剝貨財市恩出拔外憑公道內徇私
情無理者轉務遷延有理者却思退縮積成訛弊漸失

紀綱自今後切委逐處官吏州牧縣宰等深體余懷各舉爾職凡關推究速與剴裁如敢苟縱依違遂成枉濫或經臺訴屈或投匭伸冤勘問不虛其元推官典竝當責罰其逐處觀察使刺史別議朝典宜令諸道州府各依此處分所管屬郡委本道嚴切指揮八月丁卯勅三京諸道州府刑獄近日訪聞依前禁繫人多不旋決諸道宜令所在各委長吏專切推窮不得復有滯淹四月前濮州錄事參軍崔琮上言諸道獄囚恐不依法拷掠或不勝苦致斃翻以病聞請置病囚院兼加醫藥中書覆云有罪當刑仰天無恨無病致斃沒地衝冤燃死灰

而必在至仁照露益而須資異鑑書著欽哉之旨禮標
刑也之文因彰善于泣辜更推恩于扇暘所謂置病囚
院望依仍各委長吏專切經心或有病囚當時遣醫人
診候治療後據所犯輕重決斷如敢故違致病囚負屈
身亡本處官吏竝加嚴斷兼每及官至五日一度差人
洗刷枷匣 應順元年二月戊午詔應三京諸道州府
繫囚據罪輕重疾速斷遣比來停滯須奏取裁不便區
分故爲畱滯今後凡有刑獄據理斷遣如有勅推按理
合奏聞不在此限 清泰元年五月丁丑詔在京諸獄
及天下州府見繫罪人正當暑毒之時未免拘囚之苦

誠知負罪特軫予懷恐法吏生情滯于決斷詔至所在
長吏親自慮問據輕重疾速斷遣無淹滯

晉天福二年八月勅下刑部大理寺御史臺及三京諸
道州府今後或有繫囚染疾者並令逐處軍醫看候于
公廨錢內量支藥價或事輕者仍許家人看候 四年
九月相州節度使桑維翰奏管內所獲賊人從來籍沒
財產云是鄴都舊例格律未見明文勅今後凡有賊人
準格定罪不得沒納家貲天下諸州準此處分 其月
庚午詳定院奏前守洪洞縣主簿盧燦進策云伏以刑
獄至重朝廷所難尚書省分職六司天下謂之會府且

諸道決獄若關人命卽刑部不合不知欲請州府凡斷
大辟罪人訖逐季具有無申報刑部仍具錄案欸事節
竝本判官馬步都虞候司法參軍法直官馬步司判官
名銜申聞所貴或有案內情曲不圓刑部可行覆勘如
此則天下遵守法律不敢輕易刑書非惟免有銜冤抑
亦勸其立政者臣等參詳伏以人命至重國法須精雖
載舊章更宜條理誠爲允當望賜施行從之十月詔曰
刑獄之難古今所重但關人命實動天心或有冤寃則
傷和氣應諸道州府凡有囚徒據推勘到案欸一一盡
理子細檢律令格勅其或有疑者準令又讞問大理寺

亦疑申尚書省省寺明有指歸州府然後決遣 五年

三月丙子詔曰自大中六年已來務耳稱寃決杖流配
訴雖有理不在申明今後據其所陳與爲勘斷務耳之
罪準律別科 六年秋七月庚辰詔曰政教所切獄訟
惟先推窮須察于事情斷遣必遵于條法用宏欽恤以
致和平應三京鄴都及諸道州府見禁諸色人等宜令
逐處長吏常切提撕疾速決遣每務公當勿使復有滯
淹 八年四月壬申勅朕自臨寰宇思致和平以四海
爲家慮有一物失所每念狴牢之內或多枉撓之人屬
此炎蒸倍宜軫憫冀絕滯淹之歎用資欽恤之人應三

京鄴都及諸道州府見禁罪人等宜令逐處長吏嚴切
指揮本推司及委本所判官疾速結絕斷遣不得淹延
及致冤濫仍付所司 開運二年五月壬戌殿中丞桑
簡能上封事曰伏以天地育萬物廣博厚之恩帝王牧
黎元行寬大之令是知恤刑緩獄乃爲政之先布德行
惠實愛民之本今盛夏之月農事方殷是雷風長養之
時乃動植蕃蕪之際宜順時令以宏至仁竊以諸道州
府都郡縣應見禁罪人或有久在囹圄稍滯區分胥吏
舞文枝蔓乃衆捶楚之下或陷無辜縲紲之中莫能自
理苟一人拘繫則數人營財物用旣殫工業亦罷若此

之類實繁有徒切恐官吏因循寢成斯弊伏乞降詔旨
令所在刑獄委長吏親自錄問量罪疾速斷遣務絕寃
濫勿得淹留庶免虛禁平人妨奪農力冀召和氣以慶
明時勅曰囹圄之中縲紲之苦奸吏苟窮于枝蔓平人
用費于貨財由茲滯淹兼致屈塞桑簡能體茲軫憫專
有敷陳請長吏躬親免獄官抑逼深爲允當宜再頒行
宜依十月甲子秘書省著作郎邊玕上封事曰臣聞從
諫如流人君之令範極言無隱臣子之常規蓋欲表大
國之任人致萬邦之無事前文備載可舉而行伏以皇
帝陛下德合上穹運膺下武旰食宵衣而軫念好生惡

殺以推仁凡措典刑固無冤枉然以照臨之內州郡尤多若不再具舉明伏恐漸成奸弊臣竊見諸道刑獄前朝曾降勅文凡是禁繫罪人五日一度錄問但以年月稍遠漸致因循或長吏事煩不暇躬親點檢或胥徒敢倖妄要追領證明慮有涉于淫刑卽恐傷于和氣伏乞特降詔勅自今後諸道竝委長吏五日一度當面同共錄問所冀處法者無倖銜寃者獲伸俾令四海九州咸歌聖德五風十雨永致昌期勅曰人之命無以復生國之刑不可濫舉雖一成之典務在公平而三覆其詞所宜詳審凡居法吏合究獄請邊圻近陟周行俄陳讜議

更彰欽恤宜允申明 三年十一月丁未左拾遺竇儼
上疏曰臣伏觀各例律疏云死刑者古先哲王則天垂
象本欲生之義期止殺絞斬之坐皆刑之極也又準天
成三年閏八月二十三日勅行極法曰宜不舉樂減常
膳又刑部式決重杖一頓處死以代極法斯皆人君哀
矜不捨之道也竊以蚩尤爲五虐之科尙行鞭朴漢祖
約三章之法止有死刑絞者筋骨相連斬者頭頸異處
大辟之目不出兩端淫刑所興近聞數等蓋緣外地不
守通規肆率情性或以長釘貫參人手足或以短刀斮
割人肌膚乃至累朝半生半死俾冤聲而上達致和氣

以有傷將宏守位之仁在峻推行之令欲乞特下明勅
嚴加禁斷者勅曰文物方興刑罰須當有罪宜從于正
法去邪漸契于古風竇儼所貢奏章實裨理道宜依所
奏準律令施行

漢乾祐二年正月勅政貴寬易刑尙哀矜慮滋蔓之生
奸實軫傷而是念今屬三元改候四序履端將冀和平
無如獄訟應三京鄴都諸道州府見繫罪人委逐處長
吏躬親慮問其于決斷務在公平俱見其情卽爲具獄
勿令率引遂致淹停無縱舞文有傷和氣四月甲午勅
曰月屆正陽候當小暑乃挺重出輕之日是恤刑議獄

之辰有罪者速就勘窮薄罰者畫時疏決用符時令勿縱滯淹三京鄴都諸道州府在獄見繫罪人宜令所司疾速斷遣無致淹滯枉濫五月辛未勅政化所先獄訟攸切不惟枉撓兼慮滯淹適當長養之時正屬煽蒸之候累行條貫俾速施行靡不丁寧未曾奏報再頒告諭無或因循應三京鄴都諸道州府詔至宜具疏放已行未行申奏無致逗畱

周廣順三年四月乙亥勅朕以時當化育氣屬炎蒸乃思縲紲之人是軫哀矜之念慮其非所案鞫淹延或枉濫窮屈而未得申宣或饑渴疾病而無所控告以罪當

刑者惟彼自召法不可移非理受苦者爲上不明安得無慮欽恤之道夙宵靡寧應諸道州府見繫罪人宜令官吏疾速推鞠據輕斷遣不得淹滯仍令獄吏洒掃牢獄當令虛歇洗滌枷械無令蚤虱供給水漿無令饑渴如有疾患令其家人看承囚人無主官差醫工診候勿致病亡循典法之成規順長羸之時令俾無淹滯以致治平又賜諸州詔曰朕以敷政之勤惟刑是重旣未能化人于無罪則不可爲上而失刑况時當長羸事貴清適念囹圄之閉固復桎梏之拘縻處于炎蒸何異焚灼在州及所屬刑獄見繫罪人卿可躬親錄問省畧區分

于八務不行者令俟務開繫有理須申者速期疎決俾
皆平允無至滯淹又以獄吏逞任情之奸囚人被非法
之苦宜加檢察勿縱侵欺常令淨掃獄房洗刷枷匣知
其饑渴供與水漿有病者聽骨肉看承無主者遣醫工
救療勿令非理致斃以致和氣有傷卿忠幹分憂仁明
莅事必能奉詔體我用心矐委于茲興寐無已餘從勅
命處分 顯德元年十一月帝謂侍臣曰天下所奏獄
訟多追引證甚致淹延有及百餘日而未決者其中有
徒黨反告者劫主陳訴者及妄遭牽引者慮獄吏作倖
遲留致生人休廢活業朕每念此彌切疚懷此後宜條

貫所在藩郡令選明幹寮吏當其訴訟如獄不滯留人
無枉撓明具聞奏量與甄獎

內外官當贖之法梁唐皆無定制多示優容或因時分
輕重晉天福六年五月尙書刑部員外郎李象請今後
凡是散官不計高低若犯罪不得當贖亦不得上請詳
定院覆奏應內外文武官有品官者自從品官法無品
官有散試官者應內外帶職廷臣賓從有功將校等並
請同九品官例其京都運巡使及諸道州府衙前職員
內外雜任鎮將等並請準律不得上請當贖其巡司馬
步雖有曾歷品者亦請同流外職準律杖罪以下決罰

例徒罪以上仍依當贖法至周顯德五年七月新定刑
統今後定罪諸道行軍司馬節度副使副畱守準從五
品官例諸道兩使判官防禦團練副使準從六品官例
節度掌書記團判官兩蕃營田等使判官準從七品官
例諸道推巡及軍事判官準從八品官例諸軍將校內
諸司使使副供奉殿直臨時奏聽勅旨由是內外品官
當贖之法始有定制焉

舊五代史卷一百四十七

舊五代史卷一百四十七攷證

志九刑法志統類編敕 統類原本訛統數今據文獻

通攷改正

倉部郎中 倉部原本訛臧部今據新唐書百官志改

正

前濮州錄事參軍崔琮 崔琮原本作崔琰今據冊府

元龜改正

相州節度使桑維翰 相州原本訛松州今據通鑑改

正

團判官 團判官疑當作團練判官攷五代會要亦作

團判官蓋當時案牘之文官名各從簡省今姑仍其
舊

舊五代史卷一百四十七攷證

以城降歐陽史作庚申通鑑作辛酉與是書異

舊五代史卷一百十七攷證

舊五代史卷一百四十八

宋門下侍郎參知政事監修國史薛居正等撰

志第十

選舉志

按唐典凡選授之制天官卿掌之所以正權衡而進賢能也凡舉貢之政春官卿掌之所以覈文行而第雋秀也洎梁氏已降皆奉而行之縱或小有釐革亦不出其軌轍今採其事備紀于後以志五代審官取士之方也梁開平元年七月勅近年舉人當秋薦之時不親試者號爲拔解今後宜止絕四月兵部尚書權知貢舉姚洎

奏近代設文科選胄子所以綱維名教崇樹邦本也今在公卿親屬將相子孫有文行可取者請許所在州府薦送以廣疏材之路從之

文獻通攷唐時知貢舉皆用禮部侍郎梁開平中始命兵

部侍郎楊涉權知貢舉

唐同光二年十月中書奏請停舉選一年勅舉選二門國朝之重事但要精確難議權停宜準常例處分天咸元年八月勅應三京諸道今年貢舉人可依常年取解仍命隨處量事津送赴闕五年二月九日勅近年文士輕視格條就試時疎于帖經登第後恥于赴選宜絕躁求之路別開獎勸之門其進士科已及第者計選

數年滿日許令就中書陳狀于都堂前各試本業詩賦
判文其中文藝灼然可取者便與除官如或事業不甚
精者自許準添選

晉天福三年三月翰林學士承旨兵部侍郎權知貢舉
崔稅奏臣謬蒙眷渥叨掌文衡實憂庸懦之材不副搜
羅之旨敢不揣摩頑鈍杜絕阿私上則顯陛下求賢次
則使平人得路但以今年就舉比常歲倍多科目之中
兇豪甚衆每駁勝出後則時有喧張不自省循但言屈
塞互相朋扇各出言詞或云主司不公或云試官受賂
實慮上達聖聽微臣無以自明晝省夜思臨深履薄今

臣欲請令舉人落第之後或不甘心任自投狀披陳却請所試與疏義對證兼令其日一甲同共校量若獨委試官恐未息詞理儻是實負抑屈則所司固難遣憲章如其妄有陳論則舉人乞痛加懲斷冀此際免虛遭謗議亦將來可久遠施行儻蒙聖造允俞伏乞降勅處分從之 五年三月詔及第舉人與主司選勝筵宴及中書舍人鞞鞋接見舉人兼兵部禮部引人過堂之日暮次酒食會客悉宜廢之四月禮部侍郎張允奏曰明君側席雖切旁求貢士觀光豈宜濫進竊窺前代未設諸科始以明經俾昇高第自有九經五經之後及三禮三

傳已來孝廉之科遂因循而不廢搢紳之士亦緘默而無言以至相承未能改作每歲明經一科少至五百以上多及一千有餘舉人如是繁多試官豈能精當況此等多不究義惟攻帖書文理既不甚通名第豈可妄與且常年登科者不少相次赴選者甚多州縣之間必無遺闕輦轂之下須有稽留怨嗟自此而興謗讟因茲而起但今廣場大啟諸科竝存明經者悉包于九經五經之中無出于三禮三傳之內若無釐革恐未便宜其明經一科伏請停廢又奏國家懸科待士貴務搜揚責實求才須除訛濫童子每當就試止在念書背經則雖似

精詳對卷則不能讀誦及名成貢部身返故鄉但剋日以取官更無心而習業濫蠲徭役虛占官名其童子一科亦請停廢勅明經童子宏詞拔萃明算道舉百篇等科竝停 七年五月勅應諸色進策人等皆抱材能方來投獻宜加明試俾盡臧謀起今後應進策條中書奏覆勅下其進策人委門下省試策三道仍定上中下三等如是元進策內有施行者其所試策或上或中者委門下省給與減選或出身優牒合格參選日其試策上者委銓司超壹資注擬其試策中者委銓司依資注擬如是所試策或上或中元進策條竝不施行所試策下

元進策條內有施行者其本官竝仰量與恩賜發遣若
或所試策下所進策條竝不施行便仰曉示發遣不得
再有投進餘竝準前後勅文處分 開運元年八月詔

曰明經童子之科前代所設蓋期取士良謂通規爰自
近年暫從停廢損益之機未見牢籠之義全虧將闡斯
文宜依舊貫庶臻至理用廣旁求其明經童子二科今
後復置十一月工部尚書權知貢舉竇貞固奏進士攷
試雜文及與諸科舉人八策歷代已來皆以三條燭盡
爲限長興二年改令晝試伏以懸科取士有國常規沿
革之道雖殊公共之情難失若使就試兩廊之下揮毫

短景之中視晷刻而惟畏稽遲演詞藻而難求妍麗未見觀光之美但同欵答之由旣非師古之規恐失取人之道今欲攷試之時準舊例以三條燭爲限其進士并試色舉貢人等有懷藏書冊入院者舊例扶出不令就試近年以來雖見懷藏多是容縱今欲振舉弛紊明辨藏否冀在必行庶爲定式

漢乾祐二年刑部侍郎邊歸讜上言臣竊見每年貢舉人數甚衆動引五舉六舉多至二千三千旣事業不精卽人文何取請勅三京鄴都諸道州府長官合發諸色貢舉人文解者竝須精加攷校事業精研卽得解送不

得濫有舉送冀塞濫進之門開興能之路勅從之其間
條奏未盡處下貢院錄天福五年四月二十七日勅文
告諭天下依元勅條件施行如有固違其隨處攷試官
員當準勅條處分

周廣順二年二月禮部侍郎趙上交奏貢院諸科今欲
不試汎義其口義五十道改試墨義十道從之 三年
正月趙上交奏進士元試詩賦各一首帖經二十帖對
義五通今欲罷帖經對義別試雜文二首試策一道從
之其年八月兵部侍郎權知貢舉徐台符奏請別試雜
文外其帖經墨義仍依元格從之 顯德二年三月禮

部侍郎竇儀奏請諸科舉人若合解不解不合解而解者監試官爲首罪勒停見任舉送長官奏聞取裁監官如受賂及今後進士如有倩人述作文字應舉者許人言告送本處色役永不進仕

唐同光四年三月中書門下奏議左拾遺王松吏部員外郎李慎儀上疏以諸道州縣皆是攝官誅剝生靈漸不存濟比者郭崇韜在中書日未詳本朝故事妄被聞人獻疑點檢選曹曲生異議或告赤欠少一事闕違保丙一人不來五保卽須竝廢文書一紙有誤數任皆不勘詳其年選人及行事官一千二百五十餘員得官者

才及數十皆以淪濫爲名盡被焚毀棄逐或斃踣于旅店或號哭于道途以至二年已來選人不敢赴集銓曹無人可注中書無人可除去年闕近二千授官不及六十伏請特降勅文宣布遐邇明往年制置不自于宸衷此日焦勞特頒于睿澤望以中書條件及王松等所論事節委銓司點檢務在酌中以爲定制從之時議者以銓注之弊非止一朝搢紳之家自無甄別或有伯叔告赤鬻于同姓之家隨賂改更因亂昭穆至有季父伯舅反拜姪甥者郭崇韜疾惡太深奏請釐革豆盧革韋說僂俛贊成或有親舊訊其事端者韋說曰此郭漢子之

意也及崇韜誅韋說卽教門人王松上疏奏論故有此
奏識者非之 天成四年冬十月丙申詔曰本朝一統
之時除嶺南黔中去京地遠三年一降選補使號爲南
選外其餘諸道及京百司諸色選人每年動及數千分
爲三選尙爲繁重近代選人每年不過數百何必以一
司公事作三處官方况有格條各依資攷兼又明行勅
命務絕阿私宜新公共之規俾慎官常之要其諸道選
人宜令三銓官員都在省署子細磨勘無違礙後卽據
格同商量注擬連署申奏仍不得踵前于私第注官如
此則人吏易可整齊公事亦無遲滯 長興元年三月

勅凡是選人皆有資攷每至赴調必驗文書或不具全
多稱失墜將明本末須示規程其判成諸色選人黃甲
下後將歷任文書告赤連粘宜令南曹逐縫使印都于
後面粘紙其前後歷任文書都計多少紙數仍具年月
日判成授某官蓋懼其或分假于人故也其年十月中
書奏吏部流內銓諸色選人先條流試判兩節竝委本
官優劣等第申奏文優者宜超一資注擬其次者宜依
資更次者以同類官注擬所以勵援毫之作亦不掩歷
任之勞其或于理道全疎者以人戶少處州縣同類官
中比擬仍準元勅業文者任徵引古今不業文者但據

公理判斷可否不當罪在有司兼諸色選人或有元通家狀不實鄉里名號將來赴選者竝令改正一一堅本貫屬鄉縣兼無出身一奏一除官等宜竝不加選限從之 應順元年正月丁卯中書門下奏準天成二年十

二月勅長定格應經學出身人一任三攷許入下縣令下州錄事參軍亦入中下州錄事參軍兩任四攷許入中下縣令中州錄事參軍兩任六攷許入上縣令及緊州錄事參軍凡爲進取皆有因依或少年便受好官或暮齒不離卑任况孤貧舉士或年四十始得經學及第八年合選方受一官在任多不成三攷第二選漸向蹉

此有一生終不至令錄者若無改革何以發揚自此經
學出身請一任兩攷許入中下縣令下州錄事參軍者
詔曰參選之徒艱辛不一發身遲滯到老卑低宜優未
達之人顯示惟新之澤其經學出身一任兩攷元勅入
下縣令下州錄事參軍起今後更許入中下縣令下州
錄事參軍一任三攷者于人戶多處州縣注擬如于近
勅條內資叙無相當者卽準格循資攷入官其兩任四
攷者準二任五攷例入官餘準格條處分

晉天福三年正月詔曰舉選之流苦辛備歷或則耽書
歲久或則守事年深少有違礙格條例是不知式樣今

則方求公器宜被皇恩所有選人等宜令所司除元駿放及落下事由外如無違礙竝與施行仍令所司遍下諸道起今後文解差錯過在發解州府官吏

漢乾祐二年八月右拾遺高守瓊上言仕宦年未三十請不除授縣令因下詔曰起今後諸色選人年七十者宜注優散官年少未歷資攷者不得注授令錄其年十二月中書門下奏應諸出選門官并歷任內曾升朝及兩使判官今任却授令錄者竝依見任官選數赴集從之

周廣順元年二月詔曰自前朝廷除官銓司選授當其

用闕皆稟舊規近聞所得官人或他事阻留或染疾淹
駐始赴任者既過月限後之官者遂失期程以至相沿
漸成非次是致新官參謝欲上舊官考秩未終待滿替
移動逾時月凋殘一處新舊二官在迎送以爲勞必公
私之失緒今後應諸道州府錄事參軍判司縣令主簿
等宜令本州府以到任月日旋具申奏及報吏部此後
中書及銓司以到任月日用闕永爲定制其年十月詔
曰選部公事比置三銓所有員闕選人分在三處每至
注擬之際資敘難得相當况今年選人不多宜令三銓
公事併爲一處委本司長官通判同商量可否施行今

當開泰之期宜軫單平之衆自今後合格選人歷任無
違礙者竝仰吏部南曹判成如文解差錯不合式樣罪
在發解官吏

舊五代史卷一百四十八攷證

志十選舉志疎于帖經 帖經原本作帖括今據五代

會要改正

不試汎義 案原本作不汎試口義今據冊府元龜改

正

王松等所論 王松冊府元龜作王權考文獻通攷作

王松是書韋說傳亦作松今仍其舊

舊五代史卷一百四十八攷證

舊五代史卷一百四十九

宋門下侍郎參知政事監修國史薛居正等撰

志第十一

職官志

夫官非位無以分貴賤位非品無以定高卑是以歷代史官咸有所紀皆窮源而討本期與世以作程迨乎唐祚方隆明皇在宥採累朝之故事攷衆職之遐源申命才臣著成六典其勳階之等級品秩之重輕則已備載于其中矣故今之所撰不敢相沿祖述五代之命官以踵百王之垂範或釐革升降則謹而志之俾後之爲天

官卿者得以觀焉

梁開平三年三月詔升尚書令爲正一品按唐六典尚書正二品是時以將授趙州王鎰此官故升之 後唐天成四年八月詔曰朝廷每有將相恩命準往例諸道節度使帶平章事兼侍中中書令竝列銜于勅牒後側書使字今兩浙節度使錢鏐是元帥尙父與使相名殊承前列銜久未改正湖南節度使馬殷先兼中書令之時理宜齒于相位今守太師尙書令是南省官資不合列署勅尾今後每署將相勅牒宜落下錢鏐馬殷官位仍永爲常式

梁開平二年四月改左右丞爲左右司侍郎避廟諱也
至後唐同光元年十月復舊爲左右丞 後唐長興元
年九月詔曰臺轄之司官資竝設左右貂素來相類左
右揆不至相懸以此比方豈宜分別自此宜升尙書右
丞官品與左丞竝爲正四品

右都省

後唐長興四年九月勅馮贇有經邦之茂業宜進位于
公台但緣平章事字犯其父名不欲斥其家諱可改同
平章事爲同中書門下二品後至周顯德中樞密使吳
廷祚亦加同中書門下二品避其諱也 晉天福五年

二月勅以門下侍郎中書侍郎並爲清望正三品 九月詔曰六典云中書舍人掌侍奉進奏參議表章凡詔旨制勅璽書策命皆按故事起草進畫旣下則署而行之其禁有四一曰漏洩二曰稽緩三曰違失四曰忘誤所以重王命也古昔已來典實斯在爰從近代別創新名今運屬興王事從師古俾仍舊貫以耀前規其翰林學士院公事宜並歸中書舍人 七年五月中書門下上言有司檢尋長興四年八月二十一日勅準官品令侍中中書令正三品按會要大歷二年十一月升爲正二品左右常侍從三品按會要廣德二年五月升爲正

三品門下中書侍郎正四品大歷二年十一月升爲正

三品諫議大夫正五品按續會要會昌二年十二月升

爲正四品以備中書門下四品之闕御史大夫從三品

會昌二年十二月升爲正三品御史中丞正五品亦與

大夫同時升爲正四品勅宜各準元勅處分仍添入令

文永爲定制又詔門下侍郎班在常侍之下俸祿同常

侍 周顯德五年六月勅諫議大夫宜依舊正五品上

仍班位在給事中之下按唐典諫議大夫四員正五品

上皆隸門下省班在給事中之下至會昌二年十一月

中書門下奏升爲正四品下仍分爲左右以備兩省四

品之闕故其班亦升在給事中之上近朝自諫議大夫拜給事中者官雖序遷位則降等至是以其遷次不備故改正焉

右兩省

後唐清泰二年十一月制以前同州節度使檢校太尉同平章事馮道爲守司空時議者曰自隋唐以來三公無職事自非親王不恒置于宰臣爲加官無單置者道在相位時帶司空及罷鎮未命官議者不練故事率意行之及制出言議紛然或云便可綜中書門下事或云須冊拜開府及就列無故事乃不就朝堂敘班臺官兩

省官入就列方入宰臣退踵後先退劉昫又以罷相爲僕射出入就列一與馮道同議者非之及晉天福中以李麟爲司徒周廣順初以竇貞固爲司徒蘇禹珪爲司空遂以爲例議者不復有云

右三公

後唐天成元年夏六月以李琪爲御史大夫自後不復除 其年冬十一月丙子諸道進奏官上言今月四日中丞上事臣等禮合至臺比期不越前規依舊傳語忽蒙處分通出尋則再取指揮要明審的又蒙問大夫相公上事日如何臣等訴云大夫曾爲宰相進奏官伏事

中書事體之間實爲舊吏若以別官除授合云傳語勞
來又堅令通出臣等出身藩府不會朝儀拒命則恐有
奏聞遵稟則全隳則例伏恐此後到臺參賀儀則不定
者詔曰御史臺是大朝執憲之司乃四海繩違之地凡
居中外皆所整齊藩侯尙展于公參邸吏豈宜于抗禮
遽觀論列可驗侮輕但以喪亂孔多紀綱隳紊霜威掃
地風憲銷聲今則景運惟新皇圖重正稍加提舉漸止
澆訛宜令御史臺凡闕舊例竝須舉行如不稟承當行
朝典時盧文紀初拜中丞領事于御史府諸道進奏官
來賀文紀曰事例如何臺吏喬德威等言朝廷在長安

日進奏官見大夫中丞如胥吏見長官之禮及梁氏將
革命本朝微弱諸藩強據人主大臣姑息邸吏時中丞
上事邸吏雖至皆于客次傳語竟不相見自經兵亂便
以爲常文紀令臺吏諭以舊儀相見據案端簡通名贊
拜邸吏輩旣出怒不自勝相率于閤門求見騰口喧訴
明宗謂趙鳳曰進奏官比外何官鳳對曰府縣發遞祇
候之流也明宗曰乃吏役耳安得慢吾法官乃下此詔
晉天福五年二月以御史中丞爲清望正四品按唐
典御史中丞正五品上今升之 三年三月壬戌御史
臺奏按六典侍御史掌糾舉百寮推鞠獄訟居上者判

臺知公廨雜事次知西推贓贖三司受事次知東推理
匱勅宜依舊制遂以駕部員外郎兼侍御史知雜事劉
皞爲河南尹自是無省郎知雜者 開運二年八月勅
御史臺準前朝故事以郎中員外郎一人兼侍御史知
雜事近年停罷獨委年深御史知雜振舉之間紀綱未
峻宜遵舊事庶叶通規宜却于郎署中選清慎強幹者
兼侍御史知雜事

右御史臺

昔唐朝擇中官一人爲樞密使以出納帝命

職官分紀
唐樞密使

與兩軍中尉謂之四貴天祐元年廢項安世家說唐于
政事堂後列五房有樞密房以主曹務則樞密之任宰

相主之未始他付其後寵任
宦人始以樞密歸之內侍 至梁開平元年五月改樞

密院爲崇政院始命敬翔爲院使仍置判官一人自後

改置副使一人 二年十一月置崇政院直學士二員

選有政術文學者爲之其後又改爲直崇政院 後唐

同光元年十月崇政院依舊爲樞密院命宰臣郭崇韜

兼樞密使亦置直院一人 晉天福四年四月以樞密

副使張從恩爲宣徽使權廢樞密院故也先是晉祖以

宰臣桑維翰兼樞密使懇求免職只在中書遂以宣徽

使劉處讓代之每有奏議多不稱旨其後處讓丁憂乃

以樞密印付中書門下故有是釐改也 開運元年六

月勅依舊置樞密院以宰臣桑維翰兼樞密使從中書門下奏請也 周顯德六年六月命司徒平章事范質禮部尚書平章事王溥並參知樞密院事

梁開平元年四月始置建昌院以博王友文判院事以太祖在藩時四鎮所管兵車賦稅諸色課利按舊簿籍而主之其年五月中書門下奏請以判建昌院事爲建昌宮使仍以東京太祖潛龍舊宅爲宮也二年二月以侍中

案原本有闕文據五代會要以侍中韓建判建昌宮事

判建昌宮事至十月

以尚書兵部侍郎李皎爲建昌宮副使三年九月以門下侍郎平章事薛貽矩兼延資庫使判建昌宮事至四

年十二月以李振爲建昌宮副使乾化二年五月以門下侍郎平章事于兢兼延資庫使判建昌宮事其年六月廢建昌宮以河南尹魏王張宗奭爲國計使凡天下金穀兵戎舊隸建昌宮者悉主之至後唐同光四年二月以吏部尙書李琪爲國計使自後廢其名額不置

後唐同光元年十一月以左監門衛將軍判內侍省李紹宏兼內勾凡天下錢穀簿書悉委裁遣自是州縣供帳繁費議者非之又內勾之名人以爲不祥之言二年正月勅鹽鐵度支戶部三司凡關錢物竝委租庸使管轄踵梁之舊制也天成元年四月詔廢租庸院依舊爲

鹽鐵戶部度支三司委宰臣一人專判至長興元年八月以許州節度使張延朗行工部尚書充三司使班在宣徽使之下三司置使自延朗始也唐朝已來戶部度支掌泉貨鹽鐵時置使名戶部度支則尚書省本司郎中侍郎判其事天寶中楊慎矜王鉷楊國忠繼以聚貨之術媚上受寵然皆守戶部度支本官別帶使額亦無所改作下及劉晏第五琦亦如舊制自後亦以宰臣各判一司不置使額乾符後天下兵興隨處置租庸使以主調發兵罷則停梁時乃置租庸使專天下泉貨莊宗中興秉政者不嫻典故踵梁朝故事復置租庸使以魏

博故吏孔謙專使務斂怨于下斲喪王室者實租庸之弊故也洎明宗嗣位思革其弊未及下車乃詔削除使名但命重臣一人判其事曰判三司至是延朗自許州入再掌國計白于樞密使請置三司名宣下中書議其事宰臣以舊制覆奏授延朗特進行工部尚書充諸道鹽鐵轉運等使兼判戶部度支事從舊制也明宗不從竟以三司使爲名焉

梁開平三年正月改思政殿爲金鑾殿至乾化元年五月置大學士一員始命崇政院使敬翔爲之前朝因金鑾坡以爲門名與翰林院相接故爲學士者稱金鑾焉

梁氏因之以爲殿名仍改巒爲鑾從美名也大學士與

三館大學士同

青箱雜記梁祖都汴庶事草創貞明中始于今右長慶門東北創小屋數十間

爲三館湫隘尤甚又周盧徵道咸出其間衛士驕卒朝夕喧雜每受詔撰述皆移他所

後唐天成元年五月勅翰林學士尚書戶部侍郎知制誥馮道翰林學士中書舍人趙鳳俱以本官充端明殿學士非舊號也時明宗登位每四方書奏多令樞密使安重誨讀之不曉文義于是孔循獻議始置端明殿學士之名命道等爲之 二年正月勅端明殿學士宜命班在翰林學士上今後如有轉改仍只于翰林學士內選任初置端明殿學士名目如三館之例職在官下趙

鳳轉侍郎遣人諷任圜移職在官上至今爲例

職官分紀晉天

福五年廢端明殿學士開運元年
桑維翰爲樞密使復奏置學士

同光元年四月置護鑿書制學士以尚書倉部員外郎
趙鳳爲之時莊宗初建號故特立此名非故事也八月
賜翰林學士承旨戶部尚書盧質論思匡佐功臣亦非
常例也

天成三年八月勅掌綸之任擢才以居或自初命而升
或自顯秩而授蓋重厥職靡繫其官雖事分皆同而行
綴或異誠由往日未有定規議官位則上下不恒論職
次則後先未當宜行顯命以正近班今後翰林學士入

院竝以先後爲定惟承旨一員出自朕意不計官資先後在學士之上仍編入翰林志其年十一月勅新除翰林學士張昭遠早踐綸闈久司史筆會居憲府累陟貳

卿今旣擢在禁林所宜別宣班序其立位宜次崔稅宋史

張昭傳晉天福二年宰相桑維翰薦昭爲翰林學士內署故事以先後入爲次不繫官序特詔昭立位次承旨崔稅據宋史則此勅當在晉天福中是書繫于唐天成三年後疑原本有脫誤 晉開運元年

六月勅翰林學士與中書舍人分爲兩制各置六員偶

自近年權停內署况司詔命必在深嚴將使從宜却仍

舊貫宜復置翰林學士院 周顯德五年十一月詔曰

翰林學士職係禁庭地居親近與班行而旣異在朝請

以宜殊起今後當直下直學士竝宜令逐日起居其當直學士仍赴晚朝舊制翰林院學士與常參官五日一度起居時世宗欲令朝夕謁見訪以時事故有是詔

右內職

後唐天成三年五月詔曰開府儀同三司階之極太師官之極封王爵之極上柱國勳之極近代已來文臣官階稍高便授柱國歲月未深便轉上柱國武資不計何人初官便授上柱國官爵非無次第階勳備有等差宜自此時重修舊制今後凡是加勳先自武騎尉經十二轉方授上柱國永作成規不令踰越雖有是命竟不革

前例

右勳格

後唐清泰二年秋九月庚申尚書考功上言今年五月翰林學士程遜所上封事內請自宰相百執事外鎮節度使刺史應係公事官逐年書攷較其優劣遂檢尋唐書六典會要攷課令書攷第從之時議者曰攷績之法唐堯三代舊制西漢以刺史六條察郡守五曹尚書綜庶績法尤精察吏有檢繩漢末亂離舊章弛廢魏武于軍中權制品第議吏清濁用人按吏頓爽前規隋唐已來始著于令漢代郡守入爲三公魏晉之後政在中書

左右僕射知政事午前視禁中午後視省中三臺百職無不統攝以是論之宰輔憑何較攷自天寶末權置使務已後庶事因循尚書諸司漸致有名無實廢墜已久未知憑何督責程邈所上亦未詳本源其時所司雖有舉明大都諸官亦無攷較之事

右較攷

梁開平元年四月詔開封府司錄參軍及六曹掾屬宜各置一員兩畿赤縣置令簿尉各一員二年十月省諸道州府六曹掾屬只留戶曹一員通判六曹後唐同光元年十一月中書門下奏諸寺監各請只置大卿

監祭酒司業各一員博士兩員其餘官屬竝請權停惟
太常寺事關大禮大理寺事關刑法除太常博士外許
更置丞一員其王府及東宮屬司天五官正奉御之類
凡不急司存竝請未議除授其諸司郎中員外郎應有
雙曹處且署一員左右散騎常侍諫議大夫給事中起
居郎起居舍人補闕拾遺各置一半三院侍御史仍委
御史中丞條理申奏卽日停罷朝官仍各錄名氏具罷
任月日留在中書候見任官滿二十五箇月竝據資品
却與除官從之 周顯德五年十二月詔兩京五府少
尹司錄參軍先各置兩員起今後只置一員六曹判司

內只置戶曹法曹各一員其餘及諸州支使兩蕃判官
並省

右增減

梁開平元年五月改御食使爲司膳使小馬坊使爲天
驥使文思院使爲乾文院使同和院使爲儀鸞院使其
年又改城門郎爲門局郎避廟諱也唐同光元年十一
月依舊爲城門郎 後唐天成元年十一月詔曰雄武

軍節度使官銜內宜兼押蕃落使

職官分紀長興元年
分飛龍院爲左右院

以小馬坊爲
右飛龍院

二年七月詔曰頃因本朝親王遙鎮其

在鎮者遂云副大使知節度事但年代已深相沿未改

今天下侯伯竝正節旄惟東西兩川未落副大使字宜
令今後只言節度使 晉天福五年四月丙午詔曰承
旨者承時君之旨非近侍重臣無以稟朕命宜予言是
以大朝會宰臣承旨草制詔學士承旨若無區別何表
等威除翰林承旨外殿前承旨宜改爲殿直密院承旨
宜改爲承宣御史臺三司閤門客省所有承旨竝令別
定其名 周廣順二年十二月詔改左右威衛復爲屯
衛避御名也

右改制

後唐同光二年三月中書門下奏糾轄之任時謂外臺

宰字之官古稱列爵如非朝命是廢國章近日諸道多是各列官銜便指州縣請朝廷之正授樹藩鎮之私恩頗亂規程宜加條制自今後大鎮節度使管三州已上者每年許奏管內官三人如管三州以下者許奏管內官二人仍須有課績尤異方得上聞若止于檢慎無瑕科徵及限是守常道只得書攷旌嘉不得特有薦奏其防禦使每年只許奏一人若無尤異不得奏薦刺史無奏薦之例不得輒亂規程其年八月中書奏僞庭之時諸藩參佐皆從除授自今後諸道除節度副使兩使判官除授外其餘職員并諸州軍事判官各任本處奏辟

其軍事判官仍不在奏官之限所冀招延之禮皆合于前規簡辟之間無聞于濫舉從之 長興二年十一月

詔曰闕員有限人數常多須以高低定其等級起今後兩使判官罷任後宜一年外與比擬書記支使防禦團練判官等二年外推巡防禦團練推官軍事判官等並三年後與比擬仍每遇除授量與改轉官資或階勳或職資其有殊常勤績者別議優陞若有文學智術超邁羣倫或爲衆所稱或良知迴舉察驗的實者不拘年月之限 清泰二年八月中書門下上言前大御監五品升朝官西班牙將軍皆在任許滿二十五月如衝替已經

二十月卽別任用少卿監舊例三任四任方入大卿監
五品三任四任方入少卿監今後竝祇三任逐任須月
限滿無殿責者便入此官西班將軍罷任一年許求官
舊例三任四任方入大將軍今祇無殿責或曾任金吾
將街使藩鎮刺史特勅竝不拘此例諸道除兩使判官
外書記已下任自辟請應朝官除外任罷任後一年方
許陳乞諸道賓席未曾升朝者若官兼三院御史卽除
中下縣令兼大夫中丞祕書少監郎中員外郎與清資
初任升朝官檢校官至尚書常侍祕書監庶子升朝便
與少卿監諸州防禦團練判推官竝請本州奏辟中書

不更除授應出選門官帶三院御史供奉裏行及省衙
罷任後周年許陳乞諸州別駕不除令錄仍守本官月
限得替後一年許陳乞長史司馬因攝奏正未有官者
送名從之 三年五月乙未詔曰近以內外臣寮出入
迭處稍均勞逸免滯轉遷應兩司判官畿赤令取郎中
員外補闕拾遺三丞五博少列官寮選擇擢任一則俾
藩方侯伯別耀賓階次則致朝列人臣備諳時政今後
或有滿闕便宜依此施行 周廣順元年夏五月辛巳
詔朝廷設爵命官求賢取士或以資敘進或以科級升
至有白首窮經方諧一第半生守選始遂一官是以國

無幸民士不濫進近年州郡奏薦多無出身前官或因
權勢書題或是衷私請託旣難阻意便授真恩遂使躁
求僥倖之徒爭遊捷徑辛苦孤寒之士盡泣窮途將期
激濁揚清所宜循名責實今後州府不得奏薦無前官
及無出身人如有奇才異行越衆超羣亦許具名以聞
便可隨表赴闕當令有司攷試朕亦親自披詳斷其否
臧俾之升黜庶使人不謬舉野無遺才 顯德二年六
月詔兩京諸道州府留守判官兩使判官少尹防禦團
練軍事判官今後竝不得奏薦其防禦團練刺史州各
置推官一員

右釐革

晉天福三年十一月起居郎殷鵬上言竊聞司封格式
內外文武臣寮纔升朝籍者無父母便與追封贈父母
在卽未敘未封以臣所見誠爲不可此則輕生者而重
死者棄今人而錄故人其榮有何其理安在又云父母
在品秩及格者卽以封其母不加其父便加邑號兼曰
太君遂令妻則旁若無夫子則上若無父豈有父則賤
而母則貴夫則卑而妻則尊若謂其父未合加恩安得
其母受賜若謂以子便合貴曷得其父不先封伏以父
尊母卑天地之道尊無二上國家同體今授封父無爵

名教不順莫大于茲臣伏乞自今後文武臣寮父母在
其父母已有官爵者卽敘進資品以及格式或不任祿
仕卽可授以致仕或同正官所貴得以敘封妻室卽父
母俱榮孝子無不逮之感閨門交映聖君覃慶賞之恩
噫荷陛下孝治之風受陛下榮親之祿者靜而屈指不
過數人陛下得以特議舉行編爲令式勸天下之爲善
令域中之望風自然見前代之闕文成我朝之盛典况
唐長興元年德音內一節應在朝中外臣寮父母在竝
與加恩司封不行明制堅執前文儻布新恩兼合舊勅
庶使事君事父恒遵一體之規爲子爲臣不失兩全之

義臣又聞司封令式內外臣寮官階及五品已上者卽與封妻廕子固不分于清濁但祇言其品秩且諫議大夫給事中中書舍人竝是五品贊善大夫洗馬中允奉御等亦是五品若論朝廷之委任宰臣之擬論出入之階資中外之瞻望則天壤相懸矣及其敘封乃爲一貫相沿至此甚非而况北省爲陛下侍從之臣南宮掌陛下經綸之務憲臺執陛下紀綱之司首冠羣寮總爲三署當職尤重責望非輕此則清列十年不遂顯榮之願彼則雜班兩任便承封廕之恩事不均平理宜改革伏乞自今後應諸官及五品已上者卽依舊制施行應三

署清望官及六品已上便與封廕清濁既異品秩宜升
仍下所司議爲恒式從之 漢乾祐元年七月詔尚書

省集議內外臣寮父在母承子廕敘封追封合加太字
否以聞尚書省奏議曰今詳前後勅條凡母皆加太字
存歿竝同此卽是父歿母存卽敘封進封內加太字母
歿追封亦加太字故云存歿竝同若是父在據勅格無
載爲母加太字處若以近勅因子貴與父命官父自有
官卽妻從夫品可以封妻父在不合以其子加母太字
若雖有因子之官其品尚卑未得廕妻亦不合用子廕
之限從之 周顯德六年冬十二月壬辰尚書兵部上

言本司廕補千牛進馬在漢乾祐中散失勅文自來只準晉編勅及堂帖施行伏緣前後不同請別降勅命詔曰今後應廕補子孫宜令逐品許補一人直候轉品方得更補不得于本品內重疊收補如是所補人有身故除名落藩廢疾及應舉及第內只許于本品內再補一人太子進馬太子千牛不用收補詹事依祭酒例施行兵部尚書侍郎舊例不許收補宜許收補致仕官歷任中曾任在朝文班三品武班二品及丞郎給舍已上金吾大將軍節度防禦團練留後者方得補廕皇廕人其祖父曾授著皇朝官秩方得收補應合收補人須是本

官親子孫年貌合格別無渝濫方許施行餘從舊例處分

右封廕

梁開平四年四月勅諸州鎮使官秩無高卑竝在縣令之下其年九月詔曰魏博管內刺史比來州務竝委督郵遂使曹官擅其威權州牧同于閒冗俾循通制宜塞異端竝宜依河南諸州例刺史得以專達時議者曰唐朝憲宗時烏重允爲滄州節度使嘗以河朔十六州能抗拒朝命者以奪刺史權與縣令職而自作威福耳若二千石各得其柄又有鎮兵雖安史挾奸豈能據一壩

而叛哉遂奏以所管德棣景三州各還刺史職分州兵
竝隸收管是後雖幽鎮魏三道以河北舊風自相傳襲
惟滄州一道獨稟命受代自重允制置使然也則梁氏
之更張正合其事矣 後唐長興二年正月詔曰要道
纔行則千岐共貫宏綱一舉則萬目畢張前王之法制
罔殊百代之科條悉在無煩改作各有定規守程式者
心逸日休率胸臆者心勞日拙天垂萬象星辰之分野
靡差地載羣倫岳瀆之方隅不易儻各司其局則皆盡
其心且律令格式六典凡關庶政互有區分久不舉行
遂至隳紊宜準舊制令百司各于其間錄出本局公事

巨細一一抄寫不得漏落纖毫集成卷軸仍粉壁書在公廳若未有解署者文書委官司主掌仍每有新授官到令自寫錄一本披尋或因顧問之時應對須知次第無容曠闕每在執行使庶寮則守法奉公宰臣則提綱振領必當彛倫攸敘所謂至道不繁何必葺年然後報政宜令御史臺遍加告諭催促限兩月內抄錄及粉壁書寫須畢其間或有未可便行及曾釐革事件委逐司旋申中書門下當更參酌奏覆施行 其年八月勅今後大理寺官員宜同臺省官例升進其法直官比禮直官任使 應順元年春三月戊午宗正上言故事諸陵

有令丞各一員近令丞不俱置便委本縣令兼之緣河
南洛陽是京邑恐兼令丞不便詔特置陵臺令丞各一
員

右雜錄

舊五代史卷一百四十九攷證

志十一職官志四曰忘誤 忘誤冊府元龜作失誤攷
五代會要職官分紀俱作忘今仍其舊

又改爲直崇政院 直崇政院原本作直崇文院今從
五代會要改正

亦置直院一人 案五代會要作亦置院使一人石林
燕語作改爲樞密院直學士

廕補千牛進馬 進馬原本訛進貝攷職官分紀有太
子進馬貝字係傳寫之訛今改正

舊五代史卷一百四十九攷證

舊五代史卷一百五十

宋門下侍郎參知政事監修國史薛居正等撰

志第十二

郡縣志

案郡縣志序
原本闕佚

河南道

西京河南府
宋州

滑州
陳州

許州
曹州

陝州
亳州

青州
鄭州

汝州

單州

濟州

濱州

關西道

雍州

京兆府
羅州

密州

潁州

濮州

蔡州

關西道

華州

河東道

汴州

武州

隴州

涇州

府州

原州

雄州

鄆州

并州

太原府

絳州

澤州

晉州

新州

武州

河東道

解州

中府

勝州

河北道

魏州

大名府

德州

鎮州

河州

真定府

磁州

滄州

瀋州

貝州

相州

莫州

秦州

深州

雄州

幽州

縣

定州

博州

莫州

秦州

深州

瑞州

靜安軍

劍南道

蜀州

彭州

江南道

黔州

湖州

處州

溫州

全州

婺州

邵州

福州

郴州

台州

建州

明州

虔州

鄂州

蘇州

潭州

淮南道

壽州

廬州

天長縣

楚州

山南道

襄州

金州

鄧州

忠州

唐州

復州

州

利州

商州

果州

隨州

合州

集州

鳳州

隴右道

秦州

成州

州

兆州

嶺南道

邕州

桂州

思州

溇州

思州

唐州

潘州

唐

舊

制

者

則

闕

焉

疑

原

本

有

存

其

梁開平元年梁祖初開國升汴州爲開封府建名東京

元管開封浚儀陳留雍邱封邱尉氏六縣至是割滑州

之酸棗長垣鄭州之中牟陽武宋州之襄邑曹州之戴

邑許州之扶溝鄆陵陳州之太康九縣隸焉後唐復降
爲汴州以宣武軍爲額其陽武長垣扶溝考城等四縣
仍且隸汴州其餘五縣卻還本部晉天福中復升爲東
京復以前五縣隸之漢周竝因之 單州本單父縣梁

爲輝州後唐同光二年復舊隸宋州周廣順中割隸曹

州

案以上二條見太平御覽其餘郡縣闕畧不全今攷是書諸志多本五代會要謹採五代會要附載于後

後唐長興三年四月中書門下奏據十道圖舊制以王
者所都之地爲上本朝都長安遂以關內道爲上今宗
廟宮闕皆在洛陽請以河南道爲上關內道爲二河東
道第三河北道第四劔南道第五江南道第六淮南道

第七山南道第八隴右道第九嶺南道第十從之

河南道

滑州酸棗縣長垣縣

梁開平三年二月割隸汴州後唐同光二年酸棗縣隸滑州長垣

縣郤改爲匡城縣晉天福三年十月

中牟縣陽武縣

梁開平三年

年二月割隸汴州後唐同光二年二月

中牟縣陽武縣

梁開平三年

州襄邑縣

梁開平三年二月割隸汴州後唐同光二年

曹州戴邑縣

梁開平三年二月割隸汴州後唐同光二年

縣鄆陵縣

梁開平三年二月割隸汴州後唐同光二年

縣郤隸許州晉天福三年

陳州太康縣

梁開平三年二月

光二年二月復隸陳州晉天

單州楚邱縣

梁開平四年

州 碭山縣

後唐同光二年二月勅碭山縣僞梁創爲輝州併單州後理所于輝州今宜郤屬單州其

輝州依舊

汝州葉縣襄城縣

後唐同光二年十二月租庸使奏二縣原屬汝州今

隸許州伏緣最鄰京畿戶口

臨汝縣

周顯德三年三月廢密州輔

全少伏乞郤割隸汝州從之

唐縣 梁開平三年八月改爲安邱縣後唐同光元年十月復爲輔唐縣晉天福七年七月改爲膠西縣避

國諱

濟州

周廣順二年九月以鄆州鉅野升爲州其地望爲上割兗州任城中都單州金鄉等縣隸

之至其年十二月又割鄆州鄆城縣隸之中都縣郤隸鄆州

濱州

周顯德三年六月勅以贍國軍升爲

州其地望爲上直屬京割棣州渤海蒲臺兩縣隸之

關內道

京兆府奉先縣

梁開平三年二月割隸同州後唐同光三年二月郤隸京兆府武功縣

好時縣

後唐長興元年五月勅併臨等四鄉隸京兆府

渭南縣

周顯德三年四月割屬華州

同官縣

梁開平三年三月割隸同州後唐同光三年七月割隸耀州

美原縣

後唐同光三年

七月割隸耀州

華州洛南縣

後唐同光三年六月河中府奏韓城郃陽澄城縣僞梁割屬當府其

澄城縣今請郃屬同州韓城郃陽縣且屬當府從之天成年七月勅韓城郃陽二縣郃割隸同州隴州

汧陽縣汧源縣吳山縣

後唐長興元年五月依舊割隸隴州

涇州平涼縣

後唐清泰三年正月涇州奏平涼縣自吐蕃陷渭州權于平涼縣爲渭州理所遂罷平涼縣又有安國耀武兩

鎮兼屬平涼其賦租節目並無縣管今郃

臨涇縣

後唐清泰

三年二月原州刺史翟建奏本州自陷吐蕃權于臨涇縣爲理所臨涇元屬涇州刺史只管捕盜其人戶卽涇

州管縣旣無屬縣刺舉何施

鄜州鄜城縣

梁開平三年四月改爲昭

伏乞割臨涇屬當州從之

咸寧縣

周顯德三年

威州

晉天福

十月復爲鄜城縣 威州 晉天福四年五月
馬嶺二鎮隸之周廣順二年三月改爲環州顯德四年

月勅靈州方渠鎮宜升爲威州隸靈武仍割寧州木波

九月降爲
通遠軍
源縣隸
渭州
衍州
周顯德五年六月廢
爲定平鎮隸邠州
武州
周顯德五年六月廢爲潘

源縣隸
渭州

河東道

絳州

梁開平四年四月割屬晉州後唐同光二年六月郤割屬河中府

慈州隰州

後唐同光

二年六月

儀州

梁開平三年閏八月勅兗州管內已有沂州其儀州改爲遼州晉天福五年三

月并沁州割隸潞州六年解州漢乾祐元年九月升解

七月并沁州割隸潞州六年

安邑解三縣爲屬邑
河中府稷山縣
後唐同光二年割隸絳州
慈州作城縣

呂香縣

周顯德三年三月降

河中府稷山縣

後唐同光二年割隸絳州

慈州作城縣

呂香縣

周顯德三年三月降

河北道

鎮州

後唐同光元年四月改爲北
京至十一月復改爲成德縣

幽州北平縣

後唐長興三年

八月改爲
燕平縣
滄州長蘆縣乾符縣
周顯德三年十月
無棣縣

周顯德五年
改爲保順軍
弓高縣
周顯德六年二月
博州武水縣
周顯

年十月併
入聊城
深州博野縣
周顯德四年五月
澤州
梁開平元年

隸河陽四年二月
德州
晉天福五年十一月
泰州
後唐天

三月升奉化軍爲泰州
以清苑縣爲理所
至晉開運二年
九月移就滿城縣
至周廣順二年二月
廢州其滿城

割隸
易州
雄州
霸州
周顯德六年五月
以瓦橋關爲雄州
割

文安大城二縣隸之地
望竝
爲中州時初平關南故也

劔南道

蜀州唐興縣
梁開平二年八月改爲陶胡縣
後
彭州唐

昌縣
梁開平二年八月改爲歸化縣
後
唐同光元年十月復爲唐昌縣

江南道

杭州臨安縣

梁開平二年正月改為安國縣

福州閩清縣

梁開平元年十月移就梅

溪場

蘇州吳江縣

梁開平三年閏八月兩浙奏於吳松江置縣

明州望海縣

梁開平三年閏八月兩浙奏置

處州松陽縣

梁開平四年五月改為長松縣

秀州

晉天福三

年十月兩浙錢元瓘奏以杭州嘉興縣置

湖州

晉天福四年四月湖南馬希範奏以湘川縣置州仍置清

湘縣竝割灌陽縣隸之

淮南道

壽州

周顯德四年移于潁州下蔡縣仍以壽州為壽春縣

盛唐縣

梁開平二

年八月改為灊山縣後唐同光元年十月復為盛唐

山南道

復州

梁乾化二年十月割隸荆南後唐天成二年五月

果州

後唐天成二年五月隸利州

唐州慈邱縣

周顯德三年三月廢鄧州臨湍

縣

漢乾祐元年正月改爲臨瀨縣避廟諱也

菊潭縣向城縣

周顯德三年三月廢商州

乾化縣

漢乾祐二年六月改爲乾祐縣割隸京兆

襄州樂鄉縣

周顯德六年二月併入宜

城

隴右道

秦州天水縣隴城縣

後唐長興三年二月秦州奏見管長道成紀天水三縣外有十鎮徵

科並係鎮將今請以歸化恕水五龍黃土四鎮就歸化

鎮復置舊龍城赤砂梁坊夕陽南冶鐵務五鎮就赤砂

鎮復置舊天水縣其白石大澤成州同谷縣栗亭縣後

良恭三鎮割屬長道縣從之清泰三年六月秦州奏階州元管將利福津兩縣並無

遷鎮成州元管同谷縣餘並是鎮便係徵科今欲取成

州西南近便鎮分併入同谷縣其東界四鎮別創一縣者州西南有府城長豐魏平三鎮其地東至泥陽鎮界二十五里北至黃竹路金砂鎮界五十里南至興州界三十里西至白石鎮界一百一十里西南至舊階州界砂地嶺四十五里其三鎮管界併入同谷縣廢其鎮額州東界有勝仙泥陽金砂栗亭四鎮東至鳳州美瞻鎮界十五里南至果州界二十里北至高橋三十五里西至同谷界三十五里北至秦州界六十七里欲併其四鎮地于栗亭縣其徵科委縣司捕盜委鎮司從之

嶺南道

潘州茂明縣

梁開平元年五月改爲越常縣至後唐同光元年十月復爲茂明縣

桂州純

化縣

梁開平元年五月改爲歸化縣後唐同光元年十月復爲純化縣

邕州

晉天福七年改

爲誠州

溇州

晉開運三年三月升桂州全義縣爲州仍改全義縣爲德昌縣并割桂州臨川廣明

避廟諱

義寧等三縣隸之從

湖南馬希範奏也

舊五代史卷一百五十

舊五代史卷一百五十攷證

志十二郡縣志曹州之戴邑 案歐陽史職方攷開平

元年割曹州之考城更曰戴邑隸開封此祇云曹州
之戴邑未見分晰

其陽武長垣扶溝考城等 陽武原本訛武陽今據唐

書地理志改正

華州洛南縣 案此下注文所載韓城邵陽澄城等縣

似不相屬據歐陽史職方攷洛南故屬商州周割屬

華州此本當是脫去洛南沿革小注又脫去同州邵

陽縣澄城縣韓城縣等大字今無別本可校姑仍其

舊附識于此

湘州 案湘州二字原本誤作小字連注文一段與秀州下注接寫文不相屬攷唐開元十道圖潭鄂等州原隸江南道應以湘州另爲一條作大字其天福四年四月馬希範奏云云作小注今改正

舊五代史卷一百五十攷證